

高安縣志卷十七

閨範

元

蕭氏楊玲之母年二十夫死玲方四歲家貧甚蕭貞淑勤
儉事姑有禮教子有方正家有則鄉族無不稱賢年八
十八壽終其子婦復能孝養後裔亦甚蕃昌

高氏張立試妻遭紅巾土寇羅統志掠去罵不絕口至風
源廖家并投入身死洵女中之貞烈者

胡氏叢桂坊教智之母年二十九夫卒胡撫智成立守身
貞潔治家勤儉養寡姑盡道事聞旌表其門太守喬達
改所居里曰旌表坊僉憲張天翼復重新之

明

張氏新豐一鄉東溪劉啟一之妻年二十啟死子趙孫方
乳誓不再適紡績營生以事翁姑撫子成立堅持五十
餘年洪武間有司以聞詔旌

塗氏宣政鄉塗克禮之女適上高沈元輔元至正間輔為
歐祥兵所殺時塗年二十五亂離中勤劬困苦三十餘
年撫孤全節明初邑宰崔世安以聞詔旌

邵氏慕貞施坊蕭渭之妻年二十夫亡無嗣誓死守節女
紅餬口久之有餘粟值歲歉輸官賑貸正統間巡撫侍
郎趙公新上其事詔旌節義之門

陳氏若英赤土陳與學之女年十三許字嘉興知府靖安

舒敬之子璉既笄將歸璉以病卒若英聞訃潛入寢室
縊焉姑章氏歸其柩合璉塋于靖安之白粉山有司以
聞景泰三年詔旌曰貞節

文氏來蕪劉啟常之妻年二十啟死子孟在襁褓家甚貧
紡績以奉翁姑斷髮嚙指誓無二志孀居四十餘年卒
宏治間郡縣兩請旌表

彭氏錦水坊况志經之妻年二十四經死遺孤文憲僅週
歲彭堅志守貞孝事舅姑撫孤成立壽七十三卒正德
間評請詔旌

徐氏諸生張祥之妻祥死徐年甫二十遺腹一子名應喜
徐紡績食貧教子成立能文府縣匾旌

况氏一都劉恩之妻夫喪守節正德間提學道核實行縣旌之

竇氏善惠京師崇文坊人本府通判姜榮之妾也正德六年夏華林盜劫府竇為賊所執強行至花塢村乘間投井死之知府鄺璠上其事詔旌曰貞烈建祠于迎恩門內祀之有大學士嚴嵩碑記天啟七年知府陶公履中復葺其祠巡按御史曹谷記之

胡氏斜溪熊武六之妻正德五年華林賊寇其家胡被執驅之行胡曰此我家也寧死此賊微斫其脛胡厲聲曰不爾從便當殺我何但斫脛耶賊悅其美強昇之行半里罵不絕口賊知終不可奪剖其腹而去

熊氏貴貞賽口熊奇雅之女年十八正德五年六月華林賊經其居女奔投河賊遙見其美追至水中執之女乃捽賊髮滾入深潭一賊來援併拽其裾溺焉越三日三尸浮江而下執賊衣髮尚未釋手以一女而殺二賊豈特一死之烈哉事聞受旌

蕭氏新溪胡榮一之妻有殊色年二十七已孀居三年正德五年二月為華林賊所執賊令徒衆擁之上馬輒自墜數擁上教墜罵不絕口賊怒斬為數段

江氏太平門傅經之妻華林賊寇城被獲死之事聞府縣給匾旌之額曰節凜冰霜

殷氏妙慶太平門黎玉亮之妻石屏州學正勤之女孀居

十載正德五年六月華林賊寇府被執挾之以刃竟不屈繫至城隍廟前石磯上乃頓足罵賊投身于河賊怒以鎗掣其胸臂而死

廖氏足貞雲岡况夔之妻正德間華林賊寇其家廖為所執迫之行不從賊削其鼻砍其額而死

胡氏坡山朱應恢之妻龍口胡社之女年十九喪夫撫遺腹子三十七年無玷正德間華林賊經其居走匿園中為所執罵曰我守四十年老寡婦也賊奴敢爾耶賊怒斬首分身而去

熊氏下游聞壯之妻正德間為華林賊所掠投井而死知府鄺璠上聞詔旌其門

黃氏王恪妻值華林寇變同夫渡河恪遇賊將掣黃以身冒刃而死恪得免兩院旌其節為立貞烈坊

熊氏社山朱丑四之妻丑患瘋疾家貧甚熊紡績度活正德五年七月為華林賊所執脅之行二里賊以甘言誘之熊厲聲曰寧死守我病夫不汝從也賊殺之投許港塘中

梁氏鴈貞港西朱治一之妻城南梁瀟之女正德五年十一月為華林賊所執再三求死賊喜其少艾衛護甚至擁之行數里棄其子而罵不絕口自倒淖泥中強扶之不起賊怒殺之

幸氏凌上黃暖之妻有姿色避華林賊居城中正德六年

六月賊寇府為所執大罵不從賊憐其色不忍害繫至菱塘邊委曲勸之仍罵不已忽躍入塘中賊怒甚連砍數刃而死

以上竇氏至此俱死寇烈女從祀貞烈祠中者

周氏務農鄉陳與昌幼子錦之妻年二十守節正德九年事聞詔旌勒石監坊

鄧氏陳正道之妻年二十居孀子爵甫四齡姑憐其子幼而寡欲令他適鄧矢志堅守勤儉持家孝敬翁姑始終無一疵議嘉靖四年府縣詳請詔旌

宋氏荷山舉人陳禧之妻年二十三禧以宏治壬戌未第歸卒於途子汝捷甫生五月宋矢志守節姑謝氏亦寡

居宋奉侍敬謹姑每嘆曰賢媳固節婦亦孝婦也嘉靖壬辰巡按御史秦上其事詔旌貞婦之門

鍾氏錦水坊况伯珙之妻嘉靖十二年珙卒鍾年方二十遺腹生一子家貧甚勵志冰操訓子成立按臺燕旌其閤

劉氏來蘓劉官之女傅益春之母也年十八適傅舜甫四年而舜故生春僅半歲夫死之日哀痛萬狀誓以身殉昏仆不食者數日春呱呱待哺幾絕乳飲姑憐春伶仃穉弱諭之節哀撫孤存祀劉乃豁然自是勉強寬釋閤門辟纊養親育子艱苦倍嘗春長嚴課讀書守節三十餘年年五十七而卒嘉靖乙丑春登進士疏聞于朝旌

其門

朱氏淑貞楓嶺庠生黃榜先之妻年二十生子雲龍榜卒翁姑憐其少令他適朱碎碗為誓自甘貧苦守節後雲龍補邑庠嘉靖間御史秦公題旌

吳氏懌貞吳文端公之女也隨母黃夫人于宦邸納傳應東聘年十六東入京贅焉未及暮而應東故痛哭觸棺幾死復甦朝夕哀奠不置百端開諭莫能解釋惟求扶棺南還夫人曰汝家一寡姑兒去何依貞婦曰姑寡子亡兒不歸奉又將何依兒所不死者為姑在耳不然何以生為兄輩陰令買舟俟夜半悄然舁棺而去貞婦夢覺蓬頭痛哭奔逐扶柩以歸時文端入直走報入朝往

詰之曰閨中之女豈宜輕出數千里程途豈宜獨往今不三思恐貽後悔貞婦曰生為傳婦死為傳鬼實甘心焉文端公知其志堅命子一恂伴歸抵瑞城過家門不入扶觀直抵夫家以早見姑一日得奉侍縶帷聊慰良人于地下文端歸為之擇繼二子撫其子養其姑孝養備至而姑以壽終食茶茹藥三十年按臺疏請詔以天付完節旌之

易氏妹貞西南廂易瀕之女高州知府輓之孫也年十一許字四川叅議楊潤曾孫儀賓漳之次男名鏗者為配未于歸而鏗故女聞訃痛絕墜樓傷足既蘇遂不事粧飾誓不再天泣請父母歸楊守節父母以楊未親迎為

辭女曰從一而終焉知其語報計婢曰我去汝家當如此江水決不復歸矣遂以平日所積華綺付諸姊妹自寫詩柬寄姑福安縣主白其過門之意有單騎難兩轡一女豈雙郎之句姑拒之再三益慷慨求絕父母開諭竟莫能移復使人達之縣主必欲致命遂志縣主為白于漳遣家姬往迎女衣麻徒步登舟縣主以宗藩懿親不可苟簡備儀從迎之女憤痛夫死不從古禮強之乃乘竹兜子以入至則拜鏢神主行合卺禮畢謁舅姑次日自寫祭文具奠首觸夫棺死復甦者數四自是朝夕莫必哀哭舅姑恐其自殞令從婢防伴越數日女乃絞線為自畫計從婢覺救縣主慰而守之越數日防伴

稍懈托燒夜香即柩前縊焉時乙未四月三日也年甫十八既死縣主探衣篋內得思夫詩四首夢夫詩一首中有夢覺無踪影寒燈一點紅之句當鏢未死前數夕女夢鏢送一盒至啟視之有花數朶皆已脫落有餅數枚又皆半邊私心知其不祥無何而鏢訃聞女曰不祥先兆吾夢吾將疇依蓋從死之計自是決矣郡邑督學聞之朝奉旨賜祭詔瑞州南昌兩府監坊以旌之其鄉有連理樹與貞女同生本府同知鍾公千有傳巡按段公顧言觀風致祭有詩載藝文

朱氏多貞龍山庠生吳一鷄之妻年十九撫孤守節及孤歿復撫孫夢說夢韓成名奉旨旌以坤儀正氣

金氏藍坊藍秋之妻秋早喪柏舟自矢終身無間言隆慶
間奉旨旌表

單氏一都劉良鑛之妻鑛力學屢試弗售遂鬱而成疾僅
一女因囑單曰汝年少我死合適人毋致自苦單泣對
曰是何言也君去吾當從君于九原矣鑛死殯後乃以
其女托族劉立隆為之撫遂號泣數日絕粒而死

况氏遠貞龍山吳文根之妻也夫死守節凜若冰霜至老
無一疵議萬歷十年奉旨旌表

吳氏夢貞城南廖啟通之妻年十七適啟不數月而啟卒
翁姑憐其少微諭他適吳跪泣曰有遺腹在何忍棄之
守節始終惟一按院任具題賜坊旌表其門

劉氏社山庠生朱家紀之妻太僕吾弼之媳年二十四家
紀卒遺三子惺敬懌敬棕敬俱幼劉矢志撫孤太僕憐
之後三子皆賴成立惺敬為府庠生傳子四劉年五十
二卒

周氏鏡貞上方廖希中之妻年十八夫亡守節白首無間
言按院題請奉旨監貞節坊

晏氏祥貞北東廂胡曜之妻曜早卒子仕貴方在襁褓堅
志守節紡績聊生孝事舅姑撫孤兒成立萬歷二十七
年按院馮題旌

熊氏常貞大路楊總隆之妻年十五適楊十八歲夫死子
士宗僅半月熊堅志守節自甘貧苦者三十三年萬歷

壬寅府縣題旌

謝氏愛貞涑江黃邦彥之母年二十四孀居撫彥成名兩
中乙榜萬歷三十七年題旌貞節

唐氏翠貞龍山吳夢翔之妻歸吳僅二年夫亡無一脉可
倚撫伯兒以續宗祊勤紡績以供餽粥節操始終如一
輿論稱之萬歷間按院顧題旌

張氏毓貞城南仁濟坊徐天賜之妻年二十孀居竭力以
事翁姑養生送死一如夫存撫孤成立克稱完節萬歷
四十三年按院韓題旌

熊氏信貞陳信之妻萬歷四十六年六月姑雷氏病膈幾
危熊割股以進姑病立痊族隣公舉孝婦屢經府縣驗

實冊呈按院知府陶履中免其雜差匾其門曰孝行可
風屢給絹穀崇正元年仍申按院劉侯題

傅氏獨城王一鶚之母年十五適王為繼室未二十歲而
夫先翁卒家貧無棺懇翁棺以殮旋脫簪珥以報且能
曲承堂上歡處叔季及前室三子又皆恩禮周至夫先
有妾亦善待之鄉族稱其賢後子一鶚登進士官侍御
皆貞節之報也

吳氏錦貞丁坊丁應治之妻年十八守節萬歷己未署府
事同知王邦俊旌表坤儀勁節

張氏京貞社山庠生朱繼亨之妻亨夭張觸棺矢節祝髮
堅心撫穉孤以養二老天啟元年按院陳題旌

傅氏玉貞溪上梁鉞之妻年十五歸梁十六生子淑十九
歲鉞會城應試婦感冒風雨遂得疾殞次子濟以遺腹
生矢志撫孤誓死不二每悼夫死痛哭悲切侍奉舅姑
孝養備至享壽八十四歲卒天啟二年按院張題旌其
門曰完節維風

吳氏東粵文昌令劉謙之妻本郡廩生劉忠之嫡母謙死
忠僅五歲吳與忠生母陳氏孀居撫忠始終如一時有
仇宗懷醜將不利于孺子者二氏傾囊調劑之俾得成
立以承先祧餼黌宮者皆二貞之力也吳終年七十陳
終年八十餘世稱雙節

朱氏相貞蕭連之妻年二十生子曰鳴鳳夫死堅志守節

凜若冰霜厥後課子成立天啟四年按院謝題旌

羅氏北城妙高坊吳一庚之妻年二十五孀居家貧紡績
度活苦撫穉孤里族誦賢

廖氏嬌貞龍山吳夢調之妻年十九夫亡遺腹生子以顯
苦志守節事二老克盡孝敬撫孤兒課以義方鄉族咸
頌淑節壽八十一終崇正五年按院葉題旌

盛氏熊時堯妻年二十守節誓死不二食貧養姑撫子五
十載人無間言天啟七年知府陶履中上其事按院曹
谷題旌

何氏幸立泰妻年二十生子鳴甲甫月餘夫死守節事繼
姑朱氏最孝時有勸其再醮者何正色叱去終志不易

課子補邑庠生卒年六十

吳氏一都劉載尊之妻孝子一葵之母也年二十而寡守子一葵成立吳病一葵割股乃瘳後葵死妻朱氏亦不嫁是姑是婦一門之內節孝重光皆年逾八十而卒府縣旌之

沈氏祥英長沙鋪范世岐之妻年二十五而岐死或勸其他適沈乃破鏡為誓嘗于戶牖書柏舟詩以自勵撫親姪仲謀為子寡居四十餘年而卒囑仲謀以所破鏡殉塋鄉里稱之

鍾氏桂貞龍池都掾胡楷之妻年二十一生子宗大甫半歲而楷死矢志守節事寡姑撫孤子孝慈兩盡壽七十

一卒

劉氏引貞朝天坊楊大叅潤之曾孫一案之妻儒士儁臣之母也年十九夫死守節玉潔冰清崇正七年署縣事本府同知楊大名申詳督學給匾旌獎

范氏細貞仁濟坊省祭徐上選之妻癸卯舉人徐佐之祖母年十九生男日章日省選早逝范矢志撫二孤後長男日章夫婦繼殞又撫孤孫哺食代乳艱苦備嘗壽六十二終院司道府給匾旌獎厥後嗣續蕃昌書香不絕夫非苦節之流澤歟

金氏一都庠生劉心之妻年二十七止生一女心卒金誓不改醮事翁姑克盡孝道後女適府庠生熊兆男崇正

十二年邑令蔡詳請按院徐公給匾旌表

吳氏城北生員袁如宏之母早孀課子以義歲壬午穀價騰湧漕運愆期邑令蔡檄士民急公吳慨捐穀二百石助納不領值蔡令額以慕義女丈夫旌之國初缺餉復事捐助毘陵呂太師贈聯有鶴髮百年慶晚節鳳毛

五彩麗春文之句

盧氏西南廂毛文光之妻年十八生子一漢僅三歲光病盧禱以身代及光死子幼親族多欺之者盧哭于光之靈誓撫子以存宗祀後家業凋零志不為易卒年七十有二孫紹榮年三十歿孫媳李氏亦以節終

袁氏金貞城南上坊李惟魁之妻年二十五夫故守節治

家有方享年八十有三崇正間府縣給匾旌獎

吳氏桂林鄒守忠妻忠死遺孤貧無立錫吳十指營生上事翁姑子長客外死茹苦無怨里人哀之

姚氏繼貞丁坊丁良挺之妻年十九孀居守節終身萬歷間署府事同知孫良學旌曰柏舟貞節

劉氏明貞叢桂坊羅仁妻年二十夫卒子璜二歲歿折劉矢志不嫁紡績勤苦知縣余旌額曰貞孝流芳

鄧氏溪上梁楷妻進士鄧良芝姪女年十八楷商粵卒子博半歲鄧茹荼撫子負旅櫬歸葬卒年八十

江氏鳳貞陳家湖胡國定妻年二十一夫死家徒四壁二子一女俱幼江女紅營生堅志撫孤婚嫁合禮事翁姑

克盡孝養莫不稱賢壽七十歲卒

黃氏美貞陰岡墟王怡之妻年十七歸怡怡性豪邁不事生業一日得奇疾輾轉床第數年黃為拮据蓐食以待終弗言瘁怡卒黃年僅二十餘仰事俯育孝慈兼盡孫尚卿登丙戌賢書

劉氏層貞藍坊藍基之妻年二十四夫死守節雅慕讀書早年延師課子未遂晚復課孫啟新補弟子員

傅氏惠州通判陳良驂之妻累封宜人有殊色避兵于荷峯絕頂兵按山挾之上馬三挾而三墜乃溫語誘之竟不可屈遂怒办之

藍氏學貞庠生藍友黃之閨媛也年及笄避兵于建口嶺遇兵劫之上馬女誑曰有金釧瘞沙中遍尋近水深處奮身投之兵拽起刺死棄屍于河

喻氏庠生凌于鳳之妻鳳清貧勤學試輒前茅氏力女紅以佐膏火崇正癸未冬夫婦被兵執氏義不受辱憤罵無已觸兵怒办之並殺于鳳合邑聞者莫不傷悼

陳氏清貞上坊廖京之妻荷山庠生陳良謀之女同夫避兵中岡胡姓被執不從投水身死京赴援之亦被鎗傷越旬身死合葬于二十四都喻婆山

范氏敬貞一都連山劉大紹之妻孝廉范應旂之姪女也同旂避兵豐城兵至投塘死時年十九歲

羅氏菊貞灰埠羅長之女適袁維壩為兵所獲行值大井

遂跳入死之

鄒氏菴前劉定先之妻襁褓一子與姑徐氏偕姻母陳門徐氏鄰嫗武婦同舟避兵泊艤口時十一月十五大雪兵掠小舟從上流至勢漸迫鄒恐辱同姑挽手跳溺徐與武亦同死凡九人

黃氏黃岡嶺胡南妻夫挈之逃兵追急南倖脫黃抱一女卧淺水沉沙而死

何氏仁貞三十二都楊林涂士春之妻兵掠之行義不受辱過井旁索水飲投井死之

汪氏雨貞曦嶺下人五里謀會桂之妻生子友遠在襁褓聞左兵將至誓以必死桂曰其如子幼何汪曰我必善

全之君無憂也一日兵至汪抱子從後門出走夫婦相

失兵退覓妻不見偶過煤井聞嬰兒聲下視之則汪已死矣端然而坐面色猶生兒竟在懷無恙後得成立

王氏珠湖傳賚瑚之妻崇正癸未為兵獲跳入廁坑兵取而濯之炙以火王躍入烈燄自焚而死

葉氏吳郁之妻胡氏吳懷之妻俱西南廂人並少艾避兵于鄉遭兵所獲不為污辱相繼投入塘中而死

田氏傅遷之妻避兵獨城兵至偕婢投廁中兵拽起濯之見其美欲狎之不就又一兵至挾之堅不從兵怒斷其

臂復亂刃刺之而死

以上傳氏至此俱癸未死于左兵者

國朝

陳氏旭貞赤土之女高郵市庠生諶日昇之妻順治戊子金逆之變七月初一大兵掠境獲陳挾之上馬不從以首觸地罵聲不絕體中八刃剖心斷頸剔孕而死

鄧氏橘貞四十三都鄧應鉉之女許字赤土陳國張年十六兵掠之上馬女給以渴下馬飲水遂投水死焉

唐氏葵貞高郵市諶榮之妻兵挾之不從槩死

劉氏積貞一都劉證化之女四十四都清洲李恒日妻順治戊子年二十歲金兵潰亂氏携一子七歲曰琬同李喜妻楊氏廣貞帶一及笄女轉貞同舡避兵于鱖魚洲下數卒于上遊掠舡追及三女厲聲憤罵推一卒落水

衆卒闕集二婦各携子女抱結投江而死琬流三里許不沉為人所救次日三屍浮水面色如生往往于風雨淒肅之夜悲號江上聞者惻然楊氏者義門楊漢之女年二十七轉貞年方十四已字石橋徐此兩節一烈芳垂千古所當合傳而紀之者也

譚氏赤土庠生陳陞章之妻新建孝廉譚守中之女也善事翁姑嚴課兒孫值丁亥奇荒周濟里中飢餒者甚多四子俱入庠壽六十四終

劉氏貴貞翔鳳坊陳溥彥之妻年二十夫死守節竭力奉姑堅心撫子宗黨以賢稱之崇正十四年院道題旌迨順治四年屢奉院道府縣給匾獎賞賜以絹穀年八十

卒

胡氏月貞四十二都陳汝荆之妻居仙桂坊年二十四喪夫家貧如洗清苦自甘生子鐸及一女俱幼胡飲粥以勤女紅夜以繼日教子讀書婚配鐸亦夭折復撫二孫成立年逾六十人無間言

黃氏香貞翔鳳坊陳光棟之妻前節婦劉氏貴貞之媳年二十九夫死子幼家貧姑老黃勤于紡績以供甘旨仰事俯育孝慈兩盡壽七十七終

胡氏金貞上坊周汝器之妻庠生學易之祖母也年二十五夫死二子俱幼胡閤門紡績撫二孤婚教成立上侍二姑孝養備至諸孫十餘皆胡提抱孀居五十餘載無

一間言前朝兩旌節孝

傅氏一都庠生劉九鼎之妻年二十七而寡堅志守節撫子璉璉皆成立羣以淑善稱之

劉氏救貞山前庠生黃彪之妻年二十彪死僅有一女饘粥之需皆出女紅勵志清操年六十而卒

余氏秀貞豐城余邦苑之女溪上庠生梁倚雲之妻年二十四孀居艱苦備嘗冰霜凜節事姑教子各盡其道邑里鄉族廣揚淑德署府事軍廳蔣允修序其行知縣張文旦給帖獎賞有松筠矢志冰蘖為操竭力事暮姑克全婦道義方訓幼子無愧母儀之褒匾其閭曰節孝維風

陳氏桂貞淮安人縣下塗登俊之妾年十九為俊所納次
妾秀春生子璵在襁後死嫡妻繼亡秀亦改醮陳獨守
節撫秀子為己子教讀婚娶不辭勞苦者二十餘年俊
祀賴以不絕實陳力也是又節婦中之足以勵俗者
吳氏一都庠生劉九如之妻夫死子珣僅週歲吳誓不改
醮撫子成立清操勁節人無間言

朱氏明寧藩石城王府奉國中尉統錕之女適三十都荆
田羅懋瓊寄籍新建縣學庠生瓊死子幼耐貧自守撫
子憲濬成立誓不再醮清操勁節輿論稱之

吳氏尖貞一都白沙教以達之妻南城禮義坊吳一倬之
女也夫早逝吳耐貧孀守撫二子夢棟夢桂俱成立仰

事俯育兩盡其道郡丞蔣公允修賜以貞節遐齡額旌
之年九十有四

朱氏明寧藩石城王孫輔國中尉謀堯之女習詩書柔順
克孝適邑中孝廉劉九嶷崇正甲申嶷聞三月十九之
變赴蓮池不死絕食不死朱勸曰子未官可不死且有
父母在毋寧隱諸嶷曰隱士可為孝子乎曰隱婦可以
佐孝子于是竭力贊夫奉侍色養凡三十年父母壽終
廣孝思為三十六月之服喪畢將祔廟朱曰吾事釋矣
明日宰牲治饌延諸執事夜半出主展祭于人堂朱詣
主婦位執醕進炙拜興如禮家人徹饌未竟婦已祭服
端坐逝矣神色不變見者駭異時年五十七

朱氏南昌儀賓程宗魯之妻丙戌舉人程國瑞之母氏出建安王府奉國將軍之女性明敏最孝事姑割股以療其病瑞以戊子金逆之亂流寓至筠南城買宅遂入編籍居焉適巡方便者至筠地方耆老以聞遂膺院司褒獎年七十七卒

王氏懿貞朝天坊程煒之妻廩生王國棟之女年二十孀居斷髮守節茹荼自苦姑病割股孝養甚摯撫襁褓子至成立婚娶玉潔冰清邑令給匾旌之

吳氏婢貞丁坊丁士達之妻南城禮義坊貢士吳夢旦之女年十六夫亡守節撫遺孤克勤克儉事姑孝課子嚴子領丁酉鄉薦人皆以為節孝之報

黃氏埠頭庠生楊準妻準死黃年二十四家貧子幼氏孝養耄姑嘗病不能起割股以進監察御史張公給匾旌其孝太守戴公又以壹孝格天獎之

譚氏赤土陳宗芝妻芝妹琮貞姑嫂同以孝稱芝客金陵歲十二月二十七日芝母病不能起二女同心懇祝元旦譚先登樓割股爇藥琮亦于床背割股和肉以進母俱飲之熱睡汗出而愈

游氏佛貞三山藩掾省祭李春秀之妻夫早逝氏甘淡泊矢志守節課子勤家至晚年更廣行陰騭每見貧苦顛連者必周濟焉鄉里德之賢貞並著

楊氏晴貞三都陸勝學妻勝學客死粵東楊年二十七歲

子仕傑方在抱楊誓以養姑撫子自任傑長娶劉氏劉氏年二十八而傑歿孀姑寡媳相依三十餘年劉後楊六年而卒太守施公廷翰以松筠合節旌之

何氏正英伍橋郡學增生何乘龍女適蕭坊蕭士凱凱業儒早逝氏年二十二子甫兩歲孝事繼姑紡績之暇挑燈課子子江補邑庠生鄉里賢之上高潘太史有傳卒年五十六歲邑令聶聞其事而旌之

黃氏上坊廖世生妻夫歿年十九遺孤未離襁褓舅姑年俱衰邁黃克承夫志竭力奉養值丙丁奇荒惟茹苦吞辛仰事俯育幾忘歲歎守節五十年一日語人曰吾將以吾事報良人於地下矣翼日而卒

朱貞女朱文端之長女陳夫人所出也性孝端莊靜淑不喜鉛華飾酷嗜讀書凡經史性理靡弗研究尤熟于小戴記陳夫人卒貞女哀毀骨立憫弟妹失恃撫之如母課之如師不少懈許字建昌大司成李公鳳翥長男家駒駒登辛卯賢書以暴疾卒訃至貞女急欲奔喪家人難之貞女遂絕粒三日文端審其志已決許之行貞女請曰兒今以素服行登舟持服可乎文端太息曰若嫻于禮可毋吾問也抵李門舉家哀迎貞女舉止從容謁祖姑舅姑如儀退就喪次一慟幾絕廟見後執婦禮甚恭逮事兩世姑孀飲食起居一準內則李家尚節儉貞女安之每伴往則曰語我家大人兒無煩星慮百年瞬

息未亡人待盡而已李太夫人疾甚貞女躬侍湯藥衣不解帶者三月比卒李公郵文端書曰吾羈於官所恃代吾養以全吾孝者冢婦之力也薦紳士大夫欲以貞女節孝行實請旌貞女不可語姑轉達李公並以書稟文端曰兒事非中道自行已志已耳庸求名乎峻拒乃止雍正二年卒李公不欲埋其光執奏得

允旌表

高宗皇帝在藩邸嘉其事作詩以表之

侯氏救貞四十三都伏塘人監生侯以顯女年十三許字新建胡和和父素商于粵遺妻在家為和聘于侯而歿和遂就父所生理將歸娶而身夭訃聞適遭貞父之喪

母女孀居篝燈夜緝以奉厥祖二弟俱年幼貞代母勞者十餘年母歿貞不改初心比貞年五十縣令劉承滿聞而獎以匾及絹

黃氏焦遇春妻壽百歲康熙四十五年具題建百歲坊於拱辰門內額曰貞壽之門通志

劉氏靜貞施州衛守備劉達權之女郡學增廣生五里謀友璿之妻年十八歸謀紡績助讀日夜辛勤未幾夫以力學致疾而卒氏年二十四越一月遺腹生子矢志相舟上事二老下撫藐孤食貧督課備歷諸艱子長遊泮以繼夫志孝慈兼盡賢淑之聲溢于隣里邑令聶廉其事實詳請旌表 勅建清標彤管坊

徐氏珍秀仁濟坊舉人徐佐女自幼知書通曉大義在室以孝聞年十六適二都溪上梁聲先結褵三載夫病朝夕侍湯藥衣不解帶夫亡毀不欲生因懷妊忍死冀延夫嗣越兩月誕一女乳哺三歲而自經經時遍體自為殞殮上下密縫郡邑兩庠公呈其實邑令鍾成鼎郡伯李公如喬倫極褒嘉轉申督學高公璜匾旌節烈之門鄧氏劉顯誇之妻年十七夫歿有遺腹子倫歷艱辛冰霜自矢事姑極孝教子極勤年八十八孫郡庠奕昌妻胡氏亦年十八而寡苦志養姑劬勞教子矢志靡他數十年如一日乾隆十一年學憲金公匾旌曰柏節雙堅梁氏稍貞銅湖文學梁之樓姊適赤土陳大叅曾孫爭榮

之子永上年十九夫死遺腹生一子繼而爭榮夫婦死永上之二兄相繼而亡且皆無嗣梁以一婦撫一子爭榮賴以不殄于祀梁之節有以延之也

諶氏英貞鈞山生員劉泗清之妻年十七歸劉事孀姑極孝以紡績佐夫讀夫病危朝夕祈禱請以身代及歿絕食誓與同歸因念姑老子幼始勉強就食越數年而子亦歿繼堂姪以承宗祧乾隆十六年族隣公呈節孝事實府縣詳請題旌

陳氏桃貞市上邑庠胡宏濤之妻寒溪陳景興之女也事翁姑甚得歡心翁姑歿夫欲徙業氏泣勸曰父母教讀所望甚大一旦餒志而尊人將抱憾于九原夫感其言

肆力于學遂得入彀濤卒氏年二十八歲守節四十餘年艱苦備嘗其志彌堅族黨賢之

雷氏 貞燥岡黃應康妻年二十五夫歿無子氏凜從一之義矢志靡他事翁姑以孝稱待妯娌以和著撫諸姪從恩誼兼篤學成名立半嘉賴之族隣咸欽其淑德可為巾幗楷模

譙氏洛貞山奮賈元友之妻年十六歸賈二載而元友病故氏忍死守節撫育孤兒事姑極孝辛苦四十餘年力勤紡績冰操自凜教子成名太守沈公瀾匾旌柏節可風

胡氏九貞遼富樓幸守柏一子尚在襁褓夫亡氏年二十

四內外無親依孀姑唐氏為命孝養不衰苦志育孤教子成名不幸子媳相繼而亡遺童孫三人氏復撫育卓然有成卒年六十有五族隣咸以節孝稱

王氏能貞西龍山朱師和之妻必圻之母也夫死氏年二十八遺孤六歲氏矢心不二勵志教子子稍息逸即加呵斥故圻德性醇謹學問貫通族文端公甚器之携之入京効力史館一時名流傾心願交者衆任烏程縣丞潔操勤職甚有政聲益得于慈教者多焉

蕭氏芬貞年十七遭火石丁坊生員丁策佐夫勤讀有聲膠庠未竟所學而卒生子僅二齡氏年二十二堅志守節貞操三十餘年子先宦途甚有政聲

熊氏 貞石渡太學生謝必遇之妻也必遇卒氏年十八遺腹生子矢志撫孤孤七歲復歿繼姪為子以存夫祀後孫弱冠補弟子員貢成均光前裕後氏之力也

王氏轉貞二十八都幽嵐魯茂念之妻年二十一夫死守節子僅二歲貧苦自甘紡績度日敬事翁姑撫育孤子孀居六十餘載人無間言壽八十二雍正十一年邑令祝元仁匾旌柏舟勁節

喻氏饋貞新建祝溪女鄧坊鄧子賢之妻賢死氏年二十三生二子守節孝事翁姑年六十三卒

徐氏長貞櫟山文學艾榮春妻春以攻苦致疾歿氏孀居四十年衰老歲暮猶燃炬于室環媳婢而勤紡績卒年

七十一

宋氏愿貞新吳雅溪宋五琳之女年十六適赤土陳其瑜之子永鈞其瑜娶朱方喻氏瑜弟其珩娶霞源劉氏兄弟俱早世喻氏年二十五歲劉年二十歲同撫永鈞守節妯娌相依為命永鈞死宋氏年二十一孝事二孀姑病割股和湯以進得愈族隣公呈縣令徐匾旌松筠節操

彭氏壽貞二十一都花園漆堯童妻年二十六生子僅二十七日而童死苦志守節紡績度日艱苦五十餘年卒時及見子孫森盛

熊氏 貞新建貢生熊徐文女幼讀書知文義適赤土陳

永祐祐死氏年一十八朝夕訓子讀書勤女紅不踰閭
闕年八十八卒族黨稱為完節

陳氏冬貞四十一都陳光暉女年十八歸菱塘皮國福七
載生二子而福歿福素孝友臨危以教弟成名囑氏氏
勤女紅佐姑植產豐貲延師課福弟國裕戊子登賢書
苦節四十年歿後臨川李穆堂為作墓誌銘

湛氏巢貞西陽劉顯誓之妻年十七適劉生子三歲而誓
卒氏年二十二翁姑年俱七旬翁因子亡為人報充公
正受累而歿氏奉老姑已而媳及孫媳相繼俱亡氏鞠
養三世孤兒目覩五代曾元年九十而卒朱文端公以
苦節純孝匾額旌之

湛氏安溪邑庠陳文炳妻年十七歸炳炳故氏年二十五
歲兩世翁姑白髮在堂無人奉侍甘旨不忍殉夫重夫
抱痛乃就閨扁課兒讀書一切食用皆從十指資取閨
範嚴肅孝慈備至乾隆二年奉巡撫常公題請建坊
梁氏壯貞一都金沙周巷劉發房妻房卒遺腹生子孀居
堅守孝順翁姑不缺甘旨口瘡手拮五十餘年勤儉成
家置祭田于藍橋為子孫善後計卒年八十有八雍正
十三年撫軍俞公題請建坊入祀節孝

張氏轉貞歲貢張源澍女也源苦女多氏幼養于丁書誠
年十七適邑庠生介賓朱棠孀姑何氏病瘵腥穢不可
近氏奉甘旨掖扶寢興晨夕滌灑二十六年如一日年

七十二沐浴端坐而卒督學金公德瑛郡伯沈公瀾知縣陳來元祝景灝府學教授朱縣學教諭王訓導錢經歷司鈕成給有匾作銘表墓

朱氏樓貞朱文端公之妹性極孝年十八適金許珮未及數年而夫卒家貧無子誓無二心繼募姪為後文端宦遊知其能得母心接奉冷太夫人與同寢處服事十年朝夕未嘗少懈卒年七十八

陳氏鳳貞三十五都广溪蕭吾樞妻吾樞死氏年二十四撫孤家焯列名成均越數年家焯亦死遂繼燦及茂達為孫教讀婚配以續宗祀孫曾繁衍年七十七而卒郡守沈公瀾給匾旌獎

范氏宣貞一都金沙西村劉發齊之妻夫死遺孤六齡撫育成立受室生子而死子亦隨亡空帷獨守者二十餘年偕媳共守者三十餘歲卒年八十邑令劉匾旌松筠茶操

周氏十六都折棠山黃子銓妻年十八歸黃孝敬翁姑內外稱賢六載夫亡柏舟自矢遭家多難始終不易其操卒年六十餘

徐氏鶴貞下十三都夏方劉忠寬之妻年十七歸寬敬事孀姑胡氏族黨無不稱賢姑以暴疾歿寬竟相繼而亡徐撫孤繼祀兼理內外艱苦備嘗卒年五十六

徐氏桂貞上塘女適下赤岡胡作興年二十四歲夫死姑

汪氏年老氏無子僅生二女遂撫親姪為嗣守節四十年隣里咸稱之

徐氏雪貞伍橋何琳然之妻城南邑庠增生徐永鑑之女也年十八歸何三載生子方在襁褓而夫以疾卒氏恐死守節事舅姑恪極孝敬教子弱冠補郡庠生鄉隣賢之

歐陽氏 貞米嶺庠生彭景元之妻文學歐陽仕之女也年二十二夫死只生一女氏矢志靡他終其身如一日邑令劉承蒲獎以松筠節操年七十而卒

梁氏嘯貞舉人家駒之女自幼聰穎頗通文藝年十六適一都劉發藩甫兩載而藩逝氏誓相從地下絕粒數日而死時年十八

宋氏一都劉遇闕之妻闕死氏年二十九矢志守節至耄儒學員之倫贈以松操鶴齡匾額

簡氏十五都湖東女適王之瀚年二十一夫亡守節撫孤而孤歿復為孤撫孫而孫又歿孀居三十九年苦操大為鄉族欽惜年六十而終

胡氏筆山閔志恒之妻年十八適恒生二子夫歿子亦相繼云亡家貧媳不能守生孫甫週歲氏以祖母撫育孤孫婚娶課讀皆從織紵中來年八十二而卒

朱氏二十七都謝倫諤妻年二十一甫生一子諤卒守節孝養其姑氏子又歿同媳馬氏孀居四十餘年壽八十

二而卒

曾氏鳳貞潮沙姜汝淮妻平湖曾明瑤之女十八歸淮三年而淮以書癖致疾死踰月生子曾素知文墨兒甫能言即口授論語孝經曰汝父死於書汝宜克副父志屢試不售遂以國學授州目雍正十三年撫軍常公題請建坊一時名流咸贈以詩頌其節

李氏梅貞龍山郡庠生吳傑之元配也年十六適傑生子不育即勸夫納妾生子半歲夫亡時氏年二十堅志守節撫庶子如己出奉事姑氏八年常如一日雍正十三年公舉節孝題請建坊吏部尚書劉公吳龍副憲陳公守劄皆贈以詩

劉氏早貞四十二都皂里李建信妻一都劉選芳之女也佐夫力學夫歿氏年二十四姑老子幼家計綦貧忍飢耐寒奉姑撫幼清操勁節族黨咸稱頌焉

羅氏靜貞黃溪吳朝宇妻年二十二夫歿生子甫二歲氏堅志苦守孝事翁姑雍正十二年各憲題請建坊崇祀節孝祠

宋氏陳守功妻夫死守節題請建坊

李氏三十五都廣溪生員蕭吾槐之妻槐卒氏年十八無子守志事舅姑以孝聞新吳張懋能贈有節孝雙妍匾額進士朱之辨又贈以茹冰節自苦愛日孝常新之句享年六十有一乾隆二年題請建坊崇祀節孝祠

盛氏二十二都西溪朱國江妻十六適朱二十八而寡子
二家貧撫孤苦志守節甘歷艱辛四十九載享年七十
有餘迄今後人蕃衍咸以為苦節之報云

易氏十九都上埠岡徐大吳妻年二十五夫亡守節孀居
三十七年撫孤存祀艱辛備嘗乾隆元年題請建坊

彭氏安貞二十八都堰溪神山梅柏盛妻年二十四柏盛
死無子撫姪為嗣家甚貧守身貞潔事舅姑有禮鄉族
無不稱賢卒年七十有八乾隆四年題請建坊

陳氏露貞二都溪上梁文英妻年二十二守節立姪承祀
雍正四年隣族合詞請旌其畧曰痛膝下之無兒甘心
同穴念高堂之垂老未忍輕生青年失偶白髮元貞蒙

撫軍題請建坊

陳氏有貞三十九都楊林儒童江采葵妻年二十七而葵
歿氏茹苦守志代夫事親視膳塋祭悉準于禮撫孤成
立克紹先志乾隆五年題請建坊享年耄耋即壽兼隆
姚氏鳳貞集田陳必輔妻年二十夫亡茹荼守節閭里稱
賢乾隆十年題請建坊

朱氏齋貞上坊戴懿明妻明卒氏年二十六守志撫孤三
十餘年子亦成立克振家聲乾隆九年題請建坊

何氏遺貞古唐儒童朱澍之妻年二十一夫亡守節上奉
大姑唐氏至孝乾隆九年撫軍陳公題請建坊

吳氏英貞一都廩生高賢妻年二十七賢病卒子甫五齡

艱苦守節乾隆十一年鄉族紳士公舉節孝都院塞公
題請建坊

朱氏唐貞孺童黃燕瑞之妻歸黃七載而夫死翁姑卒經
營葬祭克盡禮儀孀居三十四年乾隆十六年縣令聶
有閨闈完人中綢雅範之旌詳請建坊

陳氏瑞英赤岸生員王鼎妻年二十六喪夫貞節自矢教
子成名姑患病親嘗湯藥翁士忠哭子喪明延治奉養
悉以織紵佐之翁雙眼復開咸稱孝感所致

陳氏細貞赤土女適靖安舒運幹幹死遺孤寧寧長食餼
靖邑乾隆甲子題請建坊

李氏龍山邑庠吳卓元妻夫死無子撫姪為嗣日以讀書

承先緒相勉後補弟子員學憲沈公翼機匾旌堅操足
式

鄧氏國學雷雲鳳妻年十九夫歿無子立嗣勉強待亡斂
其夫之詩文囊盛壁間祭奠泣拜之病垂死猶喃喃以
護詩文為辭學憲趙公旌以柏舟可風之匾

鄧氏劉合昌之妻年十八合客于漢之迴風磯而卒訃聞
遂病心志如痴獨居一樓剪紙像夫朝夕哭奠醒則養
姑撫孤備歷艱辛冰操自矢後子補弟子員學憲趙公
匾旌柏操垂範

胡氏龍貞徐坊瑤上徐德大妻年十八歸徐二十二歲德
大早世遺腹生子飲冰守節孀居四十載兩庠公呈學

使金公匾旌矢志柏舟

張氏珠湖傅代麟妻年十七歸麟夫歿無子苦志守節紡績奉舅姑不缺甘旨舅姑歿葬祭諸費皆氏拮据為之繼姪為嗣補弟子員乾隆七年督學金公匾旌誼高羅

陳氏任貞三十七都塘源庠生彭幹臣妻歸幹共甘旨者十年夫歿氏年二十五撫孤守志孝順翁姑雍正十一年太守劉公有冰雪同心之獎

常氏年十七適太平門生員袁夢求求故無子氏矢志柏舟撫姪存祀姪又亡苦貞自甘太守朱公一鳳廉其事匾旌勁節可風

陳氏興貞四十二都龍橋下洲傅士霸妻赤土陳書佐之女也年二十適傅生子甫三歲而霸歿翁姑年皆六十陳紡績生活甘旨無缺以孝聞後孫支繁衍郡伯沈公瀾給裕德昌齡匾以旌之

譙氏茶貞高塘藍甘來之妻年二十夫歿子未離襁褓氏勁冰操孝事翁姑持家教子四十年如一日勤慎貞淑鄰里稱其德郡伯沈公瀾匾旌節孝可嘉

王氏二十九都坡山朱國相妻年二十八相死家貧如洗氏事繼姑以孝聞姑病醫藥不效氏割股以進姑病得愈族隣具結請旌邑令李給匾有節孝可風之獎

盧氏歡貞二十九都雷峰嶺姚棟千之妻年二十六棟千

歿氏守節苦志教子鄉黨稱賢雍正六年邑令李修卿
給有節孝可風匾額

熊氏張坊張繁隆妻適張為仲婦翁昭禮病篤繁隆將割
股救親氏知恐傷夫命給夫侍翁魁割左股烹進翁病
旋愈及夫病復割右股救痊事聞當事祝元仁旌以淑
孝可風匾額

謝氏舉人謝紹哲妹適下十三都夏坊劉光陞越四載夫
亡以紡績度日奉老撫孤艱辛備嘗邑令聶以清節可
風旌之

陳氏梅貞版塘鄆世益妻年二十五而寡七十有二而終
家貧辛勤教子族隣呈請學憲金公德瑛匾旌矢節流

輝

何氏亮貞蕭坊蕭廷珀之妻年十七歸蕭未周三年而夫
亡無子乃立姪為嗣集蓼茹荼孝慈兼盡百折不回年
七十八而卒邑令劉承蒲匾旌竹筠松青朱文端公褒
之有句云集荼蓼於苦雨酸風備極九迴之結持門戶
于寒霜凍雪洵為百鍊之鋼

鄭氏秋貞三十六都龜山趙應宿之妻應宿死氏方二十
五歲矢志苦守奉老撫孤俱憑紡績經營清操同于冰
雪年屆耄期子孫林立人以為女貞之利云

劉氏瑤貞三十九都黃家壁之妻一都庠生劉騰之女歸
壁甫二載夫故子女無出矢志守節惟伯母是依杜門

紡績五十八年人不見其面族隣仰之知縣范卜年有
柏節松齡之褒

劉氏烏泥舉人漆金之妻年二十四夫歿居喪骨立步履
不離閨門終身寡言笑未嘗見齒柏舟自矢玉潔冰清
遠近稱誦

聶氏茹貞年十八適十六都熊汝會未及一載而會故遺
腹一子誓不二天守節五十年遇族婚娶絕不往賀矢
志如一日學憲林公給匾節並松筠以旌之

李氏妹貞城南鉛山訓導李之鼎女城北彭良柱之妻年
十八歸良柱甫二載柱死遺腹生子數十年茹荼飲蘖
練衣籠服奉老教子竭盡心力鄉里咸稱道之

傅氏能貞翰溪黃應道之妻年二十四夫歿遺孤甫五月
氏矢志守節紡績以事舅姑育子教讀有方堅操四十
餘載族隣咸稱之

金氏月貞四都清潭嶺陳世佑妻年二十五世佑病故氏
無出誓死靡他茹蘖飲水惟藉十指生活雖年近七十
未嘗足出戶庭人以完節稱之

黃氏十五都湖東廩生王文贊妻新喻鵠山黃氏女十八
歸贊年二十餘而夫卒氏無出守志不二家貧益勵清
操孀居五十年

何氏蓮貞古塘朱億之妻年十六歸億甫五載生二女而
夫亡家貧甚閉戶勤女紅以奉翁姑翁姑死一切喪具

悉出婦手忍飢耐寒守節五十一年族隣咸稱其苦節
劉氏新吳庠生劉良璧女年十四適伍橋庠生何浩然賞
妝頗饒鬻以佐讀八載夫亡忍死事育截髮畫荻之風
兼而有之

陳氏夷貞東南廂遷居米峯橫城鍾邦彥之妻結縵六載
夫染血疾以歿氏年二十一翁姑在堂子方襁褓仰事
俯育子道父道一身獨任里黨咸稱苦節

羅氏星英竹山羅憲德之女新溪儒童胡翰濤之妻年十
九適胡未及四載而夫死子甫二齡氏茹荼集蓼備歷
艱辛上奉九十二歲老姑教訓子孫婚娶成立年踰六
十猶紡績不倦族黨賢之邑令聶褒其門

梅氏 貞社山朱子傑妻家素貧氏勤紡績生子病跛甫
三歲而傑歿家無宿糧上事繼姑孝順無間杜門紡績
人罕見其面閭里賢之

謝氏丁貞溪頭謝敦徽之女十七歲適大岡下生員朱幹
幹以力學致疾歿氏矢志守節上事翁姑以孝下撫孤
兒以嚴四十餘年玉潔冰清族隣具呈當事給匾褒獎
黃氏二十一都黃正忠女同都曦嶺洲上汪興沾之妻也
婦汪五年而沾故黃誓死不二事翁姑以孝撫諸孤以
慈守節三十九年縣令有冰雪比操之旌

朱氏拙貞舉人曰鳳之孫女瑪瑙張士純之妻也年十八
適純二十六夫故長子尚幼少子猶在襁褓氏矢心不

二朝夕依侍老姑孝養無間長子早年入泮旋即歿亡氏復以義諭媳撫孤孫而躬示之範兩世孀居家門嚴肅人咸稱之

羅氏葵貞八都版塘櫟山鄔文榮之妻年二十四夫歿無嗣繼立一子又歿氏紡績守志三十餘年一貧徹骨而凜從一之義之死靡他人憫其窮彌欽其節

蕭氏廉貞蕭坊邑庠生蕭彪之女適翰溪儒童黃幣聘聘刻苦讀書旋以疾歿氏年二十六矢志撫孤茹荼食蓼苦節四十餘年隣里稱之

喻氏新建文學喻煥文姊適赤土儒童陳上恭恭勤舉業生一女一子而歿氏年二十六守節事二繼姑克盡婦道易子以繼父志膏火惟憑十指所出洵有和丸晝荻之風

徐氏七貞三十七都彭景序之妻年十七歸序生一子一女而序卒子亦繼亡氏堅志苦守撫姪為嗣人稱完節李氏郡庠生李象崇之女龍山吳藹元之妻也年二十適吳翁患氣疾氏佐夫調理湯藥不少倦翁歿藹元抱疾繼卒姑老子幼氏婦盡子職母兼父道長子燕翼食餼豐宮聲振一時次子孝翼以明經任湖口訓導人以為節孝之報清江宮保漕督為之立傳載諸文集

陳氏仙貞適本坊塗寧表年二十五守節三十年人交賢之

曾氏蓉貞橫港毛受滾妻石泉元之女婦滾月餘滾卒家貧無嗣誓不再醮紡績事姑三十餘年鄉里賢之

張氏善貞桂溪儒童李子擴妻張氏端貞擴弟子秀妻也已酉翁國棟以誣陷自盡營葬畢子擴亦自縊擴妻善

貞生子天相甫五齡幼子天抽其遺腹也未幾子秀死其妻端貞無出撫天袖為嗣妯娌相依情同姊妹苦守數十年一門雙節隣里敬之

丁氏年十七適富樓儒童幸守載載家貧氏親操井臼八稔夫亡毀容剪髮誓死靡他堂上二老生養死葬莫不如禮朱文端公匾旌節孝堪珍

童氏三十都泰溪儒童楊國援之妻年十八歸楊夫亡氏年二十六仰事俯育一身獨任孀居四十餘年清操常

如一日隣里族黨咸稱賢焉

龔氏細貞四十一都觀西左希多妻年二十三夫歿二子俱幼氏矢志撫孤紡績不輟有老嫗勸之改適者氏持

刀自刺奮救得免由是人不敢犯卒年六十有三

黃氏七都蛟塘謝洪海之妻年十八歸洪海五載夫歿氏痛哭垂死隣母慰曰汝上有八旬老姑下有半齡幼子

惟汝是賴汝即以死從夫奚取焉氏乃忍留殘喘安貧苦勤紡績奉姑終養撫子成立族隣嘉之

黃氏臘貞十都城上黃石之女年十四歸會頭楊祖芝逾年芝以疾歿氏觸棺幾死姑知其有孕而曲慰之乃勉

強自存矢志苦守越四月生子撫育教誨母兼父職年踰六十宗黨嘉嘆不衰

王氏 貞社山朱子幹妻年十七適幹甫一載幹死氏年十八無子家貧矢志心不貳縫紉餬口數十餘載咸稱苦節

黃氏二十七都溪頭謝誼倫之妻輔相夫子克成家業凡睦姻任卹以及延師課子皆內助之力居多司寇浙江錢陳羣與其孫鴻詔友善聞其賢匾旌鍾郝芳徽子孫俱次第登科甲

陳氏摘貞赤土女幼喪母父病牙癢甚重貞刮股肉和藥以進父賴以痊後適新建儒童劉懋灼斷指激夫勵學

事聞學院楊匾額旌獎

王氏青石岡王大嘉之女適三十三都燕山徐必寧年方二十六夫死子幼矢志柏舟辛苦拮据撫子成立婚娶年屆七旬太守沈公瀾匾旌松齡筠節

藍氏筠西鄭邦畿之妻年十九而夫歿艱苦完貞教子成名享年八十提督學院張公映辰匾旌萱榮柏茂

朱氏耀貞二十九都王良羅之妻夫歿氏年十九家貧無依堅志苦守撫子成立備歷艱辛年五十六而卒人咸稱其貞操焉

鄧氏救貞幽嵐魯茂橋之妻歸魯三載生子一週橋即亡家貧甚翁姑老且病氏忍飢餓勤紡績而菽水無缺或

有勸其他適者氏咬指為誓人皆凜服無敢言後子長成竟以勤儉致溫飽見貧苦孤寡每曲體其心以周全之邑令劉祉區旌節並松筠後孫魯登仕籍遊膠庠接踵而興蓋苦節之報

唐氏 貞仁濟坊遷居文下徐永命之妻年十六適命未及三載命卒欲同死其翁姑勸之曰不幸子死亡使媳又相繼二老将何所依氏乃勉強自存勤紡績供甘旨歿後衣衾棺槨皆其拮据營辦而繼親姪延祀乾隆三年兩學公舉詳請題旌

涂氏德貞蔡溪胡之漣妻郭峯副貢涂大受之女也漣卒氏年二十四遺孤一歲柏舟矢志事翁姑備極孝養育

孤子以詩書督課苦節六十年如一日護郡伯謝公珩

匾旌德媿松筠今後嗣濟濟庠序咸謂天報苦節云

劉氏佛貞清湖朱弼謨妻鈞山部曹劉兆露之女也歸甫三載謨故氏年二十一遺孤未及一歲家貧苦翁姑年老氏自思不敢以一死塞責遂竭力經營上事二親下撫孤子無不盡善族黨賢之

白氏紅貞荷山陳守儒妻清江庠生之女也適儒兩載儒外出以紡績事高堂得其歡心儒卒于外氏甘守清貧歷四十餘載從無怨言洵稱苦節

胡氏芝貞幽嵐邑庠魯魯之妻上高增生胡秉恕之女也年十七歸魯魯就外傳氏以媳代子晨昏服事姑病飲

食湯藥一一躬親不假僕婢之手曾病危顧氏垂涕不忍言氏曰良人得毋疑我乎倘不測當相從地下耳曾曰吾正慮此如此襁褓將何所依氏乃拜受遺言曾亡氏年二十三寂守深閨撫子長成篤志訓課鄉里稱之姚氏安溪下塔水陳維貞妻年二十二歲夫死守節自始至終歷年七十有八人無間言

宋氏豐城女年二十適七都張武功曲盡婦道未六載而夫故孀姑在堂子方在抱氏矢志守節奉老撫幼孝慈兩全及子生孫七歲而復歿三世孀居甘耐清貧遠近咸稱苦節焉

毛氏吉貞隴頭張文煥之妻新昌拔貢毛芾皇之女年方二十三夫死守節艱苦備嘗事姑盡孝教子成名鄉里稱之郡伯趙世錫匾旌芳追熊荻

劉氏歡貞一都劉發聰之女年十八適起頭武啟昌貞靜孝敬克全婦道結縭五稔昌以苦讀病故氏痛哭幾絕逾月遺腹生一子教讀婚娶母兼父道後子成孫立鄉隣稱為賢婦

左氏賤貞四十一都觀西左文信之女幼許本都舉人皮國裕孫皮錕為妻錕客于黔時有自黔歸者訛傳錕已死求婚之家不一而貞絕髮為誓堅守十餘年貞父訪察乃知錕實贅於黔且生子並未死也抱忿控縣遠閩黔省遠錕贅妻亡遂歸縣斷完配併給貞靜可風匾額

旌之

諶氏荷山陳守經妻歸陳一年守經客黔音信杳無氏勤紡績以奉孀姑後姑歿或勸之再醮氏曰婦人之道從一而終寧若負我不敢負若也遂依親姪為命寂守深閨歷年七十有七而終

劉氏帶貞三都大成藍洪櫬之妻十六適藍僅一歲夫死遺腹生子苦力撫孤十八而歿復育叔子以續後嗣孝事翁姑集蓼茹荼矢志靡他咸欽勁節

胡氏桃貞官塘熊誦泰之妻年二十七夫歿氏柏舟自矢紡績惟勤孝事翁姑撫育諸子成立備歷艱辛縣令李時溥匾旌松筠比節里人徐濟言著有傳贊

熊氏四貞十八都寒溪陳曾龍妻年十九歸曾龍克盡婦道勸夫勤學四年夫卒生子方半齡氏矢志守節紡績佐食仰事俯育艱苦備嘗後姑病喪明氏朝夕扶持得姑歡心如是者十數年卒年五十有六里閭以孝節稱焉

諶氏庠生諶丹女荷山陳洪鎮妻也年十八適鎮鎮卒諶事舅姑及祖姑極孝姑歿總姑劉諶事之益謹總姪規爛以續夫嗣雍正乙巳兩庠上其事于學憲沈西崖匾旌勁節維風歿年六十有一

梁氏佳貞三都大成國學生藍茂祿之妻也年十六適茂祿甫三載夫亡遺一子矢志柏舟事翁姑克盡孝敬撫

孤兒課以義方享年六十有五鄉族咸頌淑節人無間言

皮氏小貞高明門外皮世魁女節孝出于天性幼受平湖蕭家罷聘家罷往川生理八年正貞當婚之時兩家父兄至川招之曰待我十年而後嫁貞不以身口累父母遂歸蕭以待而家罷竟不歸貞苦守四十餘年繼姪以延夫嗣

周氏東貞長崗熊翰富妻富歿氏年二十七上事翁姑下撫二子孝慈兼盡年登七十縣令陳來年國旌松筠比節

皮氏梅貞皮國福之女遣藻塘楊兆春妻國旌松筠比節氏割股和

藥以進春竟不起無子氏矢志苦守繼姪承祀族黨賢之享年七十有五

陳氏里貞十八都芳門下三甲胡皇金之妻生一子甫數歲而夫亡矢志柏舟飲冰茹蘗孝事翁姑享年八十有三而卒署縣許淵匾旌節壽雙高

黎氏櫻貞太平門黎遇龍之女適三十七都起頭武啟昂為妻甫四載昂歿氏年二十四翁姑俱喪事祖姑以孝稱焉繼姪為子以續夫嗣年五十一鄉隣咸嘉其苦節

趙氏蓮貞二十三都西壩劉盛珪之妻珪歿氏年十九遺腹生子撫育完娶未幾子亦云亡兩世孀居相依為命艱苦備嘗幸遺腹生孫克延似續蓋貞節之報年五十

有九以上俱舊志

黃氏蘭貞漾塘黃啟昆之女一都瀘溪胡世德之妻年十六歸胡二十歲喪夫遺腹生一子氏矢志苦守上事翁姑下保孤穉維持調護不遺餘力族鄰無不稱為女中丈夫乾隆元年奉

旨旌表建坊春秋祀事子庚辰

恩科舉人孫己卯科舉人由吉安府泰和縣教諭陞任山東武定府陽信縣知縣其餘孫曾列庠序者接踵而起是以一綫之延綿無窮之慶皆氏所食報者

吳氏純貞伍橋戶部主政何郁之妻年二十夫死兒甫三歲而天痛哭幾死人慰以有姑在氏曰吾所不死者正為姑耳歷十餘年鄉族咸稱孝養為之擇繼一子年七十有八乾隆戊子

詔旌清標彤管

陳氏黃貞堰溪神山太學生梅繼盛之妻年二十一孀居子甫三歲老姑在堂矢志柏舟奉姑備極孝敬撫手長大為之完配不幸歿折以姪為嗣殷勤訓課名列膠庠里黨重之乾隆三十五年各憲詳請奉

允建坊旌表崇祀節孝祠

周氏能貞洛城傅代仙之妻年二十夫亡無子氏剪髮自矢茹苦集蓼靡不自甘事姑以孝朝夕奉視始終不衰姑逝喪塋一皆如禮鄉里稱之現年八十有三邑侯黃

申請奉

旨建坊旌表

陳氏肅貞星沙范用栩之妻年二十二生子女各一栩歿勵志守節勤儉起家撫孤生孫媳亡以婆代母備極辛勤延師課讀兩世無少懈享壽八旬目覩孫入成均曾孫蜚聲譽序乾隆丙申兩學公舉奉

旨旌表建貞節坊

孫氏冬貞前港謝謨講之妻年十九歸謝生一子講以家貧棄儒業貿易在楚身故氏年二十三柏舟自矢日夜勤紡績以孝事翁姑比子年長擬喪歸厝哀毀逾常厥後惟以詩書督課兒孫風規不減畫荻乾隆五十一年

公舉節孝

勅建貞節坊現年七十有五

歐陽氏 貞生員沈世英之妻年二十五英歿生子三家

無長物四壁蕭然氏紡績度日矢志靡他教讀婚配俾至成立邑侯 申請上聞蒙

恩獎賜給銀建坊今後嗣貢入成均咸以為貞節之報云

何氏龍山處士吳成鑄妻也年二十三歸吳家貧甚氏紡

績度日夫死誓從地下為妯娌救免既而念老親在堂弱齡在抱隱忍撐持凡養生送死教讀婚配悉於禮無愆論者謂真能人所難能矣乾隆五十一年

詔旌其門

高安縣志 卷十七
三
諶氏紅貞南山武舉褚遠新之妻年十八歸褚二十七夫故無嗣氏栢舟自矢志凜冰霜旋繼猶子以延夫祀而敬養翁姑倍極肫摯族隣咸稱節孝郡伯圖以心堅金石搯勁松筠詳請奉

旨建坊旌表崇祀節孝祠

陳氏池貞珠湖傅代福之妻年二十六守節家貧甚饘粥無資日夜紡績上事翁姑下撫孤兒自始至終不憚勤勞年六十八矢志四十餘載銖積寸累又為二子捐授州同從九等職是誠有節而兼有才者邑侯俞詳請旌表奉

旨建坊崇祀節孝祠

李氏坡山太學生朱國器之妻宦江蘓永監庫大使李鴻舉之女也年十九歸朱挑燈佐讀舉子一氏年二十五夫歿誓不欲生念姑老子幼志矢栢舟氏父在任聞耗以書迎之至署而氏辭以詩有云一書遠寄自東吳想到封緘是淚珠也識親恩山並重高堂誰奉白頭姑當事廉訪之並其詩以

上聞旌表建坊崇祀節孝祠

鄭氏徐坊徐慶長之妻歸徐八載生子二而慶長歿幾欲相從地下以翁姑在堂孤兒在抱忍死守節孝事翁姑生養死葬無不如禮又銖積寸累為子婚教俾獲成立現年七十有二芳聲眾著乾隆甲寅江西撫憲 陳具

題奉

旨旌表建坊

郭氏米峯鄭道行之妻年十七歸鄭二十歲喪夫當欲相從地下因念孤兒待撫只得苟延誓死守節家甚貧奉姑極孝姑病危願以身代私割股以進天鑒其衷而姑病以寧此節而兼孝者乾隆三十四年當事黃申詳具題請旌奉

旨勅建牌坊

陳氏默貞灰埠陳仁炳之女珠湖傅予訓之妻年二十四予訓卒遺腹生一子氏矢志苦守日夜紡績以養舅姑為兒婚教計不幸孤年甫冠而亡生孫亦復不育氏呼

天搶地而泣曰向之所以不死者有夫死從子之義今遭變如此吾其何以自存妯娌欲以子繼之氏不可曰吾子已生子今若繼子不惟無以處吾子且使亡夫餘憾也族之賢者憫其志為擇服孫殿圖繼立以存宗祀邑宰俞以孝慈貞順匾額贈之

吳氏翠貞上湖隴北劉之賢妻年二十六矢志守節淡泊自甘母家常遺以帛曰未亡人安用此惟勤紡績以營生至夜燃燈操作命兒曹坐讀其旁聞書聲與機聲相應則喜否則詞色俱厲府學師段公匾曰節勁松筠現年八十冰蘖五十有餘歲矣

敖氏喜貞圳上鄧國榮之妻年二十四而寡家徒四壁二

子俱幼氏十指營生堅志撫孤皆為婚配年屆七旬族隣請於當事匾旌柏節長春年七十七孫枝蕃衍人皆以為苦節之報

范氏星貞進士范文龍之孫女傅賚馨之妻年十八歸傅孝事翁姑二十五歲生一子夫死伶仃孤苦日夜勤紡績為婚教計子若孫均獲成立節孝之美洵有足風者劉氏紬貞五都郭子腦傅弼應之妻弼應以力苦致疾而亾氏年二十三無嗣繼一子苦志守節事舅姑克盡孝敬撫孤兒日夜紡績艱苦備嘗從無怨言宗族鄉黨咸以淑德稱太守圖廉其拯匾以節凜冰霜獎之

朱氏一都左橋劉元喘之妻年二十二孀居家極貧紡績

度活事姑教子孝慈兩全年六十五而卒族里咸稱之金氏狷貞龍山吳化炬之妻年十九歸炬家貧甚氏相夫事姑克盡孝敬生二子夫歿忍死守節紡績營生雪夜霜天一燈熒熒令子讀書於其側艱苦倍嘗數十餘年如一日長子補郡庠旋食餼今貢入成均僉稱為苦節獲報

范氏梅貞下二十都孫家坊喻汝秀之妻年十八歸喻二十四歲夫故無嗣家甚貧苦氏斷髮嚙指誓不二天日夜紡績營生機杼搯作至老勿懈而亦從無怨言是誠性成金石者近來筋力就衰賴猶子國學朝夕服勞奉養待如已母氏雖無子若有子矣現年七十有六咸以

節勁松筠稱之

祝氏引貞聶顯珍之妻二十六歲喪夫子甫二齡家貧撫孤不憚艱苦有促之改適者剪髮自誓以明志事姑至孝教子寬嚴並用年六十三歲鄉黨以節孝稱之

熊氏南城常士化之妻年二十七生二子夫亡矢栢舟操長無嗣遽歿與寡媳相依為命撫育次子課讀維勤後子髻年入泮旋食餼貢成均得力於慈訓者多督學蔣匾旌茹藥丸熊太守衛復贈蘭心松節以子訓導珍元馳贈孺人孫枝蕃衍踵列明經其方興正未有艾也

余氏紅貞南城飛仙巷候選叅軍李芝蓮之妻年十八于歸事翁姑孝敬備至日以勤儉佐夫夫亡年二十六遺

腹生一子旋夭繼姪孫為嗣又天勵志清操撫二女出閣紡績悉出其手壽七十終

傅氏蓮貞南城飛仙巷貢生李一峯之妻年十七歸李相夫子以德夫亡氏年二十五生子甫一月矢志柏操孝事翁姑終始勿替撫藐孤和丸以教有仲郢母風後子髻年補博學弟子員旋食郡餼鄉黨咸嘖嘖稱之

黃氏貞適菱塘儒童皮天佩為妻佩以刻苦讀書賣志而歿氏年二十五誓不欲生因念上有翁姑下有孤穉遂忍死仰事俯育竭盡孝慈五十年艱辛備歷其節操有古烈婦風

何氏南山生員出圖女龍山吳登漢妻生一子年二十夫

卒氏立志守貞上事翁姑下撫弱穉當一切家務井井有條後翁姑淹逝子以病歿復百計調護以撫孤孫務使婚教之不失其艱辛真有與年而俱進者今孫曾濟濟不少蜚聲皆母之詒也年六十六而卒邑宰黃公會為之傳

吳氏勸貞

隴山服遠之女

適赤土陳齊濂家貧氏事姑不缺甘旨

二十四歲齊濂卒生一子又歿氏與姑形影相依矢志守貞紡績奉養姑歿塋祭無不如禮人皆賢之年八十四而卒

吳氏德貞張坊邑庠生張元斌之妻年二十四元斌歿子

僅一歲氏志節凜然上事翁姑先意承志撫孤成立名

列膠庠享年七十有八其清操不知幾經淬厲也宜乎

孫曾濟濟蜚聲譽序不一而足

吳氏維貞下滑埠胡世苟妻氏年二十二夫死遺腹生一

子飲冰茹蘖矢志靡他有以青年諷其別適者氏曰姑

老子幼稍有天良何忍為此吾惟養姑以待其終撫兒

以待其立少慰心夫於地下耳自是躬勤紡績用給朝

夕者六十餘年前邑侯祝公聞其賢匾旌柏節流徽

周氏月英三十七都龜山儒童鍾學開之妻年十八歸鍾

事舅姑以孝結禱三載子生歲半夫亡氏誓以身殉慟

而幾絕父母多方勸慰始強起矢志靡他撫藐孤勤教

育茹荼飲蘖數十年如一日焉氏年九十二繞膝者五

代人以為苦節獲報

朱氏昭貞貼市堆姚五超之妻年二十寡而無子矢志守節集蓼茹荼孝事翁姑終始勿替四十年足不踰閭撫姪繼以為嗣日督儒業有和丸風子以髻齡採芹皆氏辛勤課讀之力也現年六十有二鄉城無不稱其壺範喻氏明貞赤城邑庠陳齊平之妻年二十五夫故生一子甫二齡氏勉留殘喘矢志守節上事老姑下撫幼穉不遺餘力遇姑病百計調治衣不解帶者六年其為藐孤苦謀婚教悉憑紡績取資艱貞尤難以言罄迄今子獲成立孫枝蕃衍現年七十八歲

吳氏敬貞年十九適皂溪李建和為妻生一子及夫病危

割股以救延活三載而後卒氏時年二十七歲誓志苦守集蓼茹荼日夜紡績以謀孤兒婚配而子處孀帟丰骨峻嶒至老勿懈迄今年已七十有八守節計五十一年

吳氏熱貞倉下金繩璋之妻龍山舉人吳衢之孫女也舉止端詳顰笑不苟年二十六夫亾子僅五歲矢志柏舟辛苦獨持奉翁姑以孝敬督孤子以詩書婦盡子職母兼父道孀居三十餘年鄉里咸頌淑德子早歲成名節孝之報洵不爽云

劉氏維貞為柘塘傅啟禧之妻年十九歸傅善事翁姑越九載而夫歿無嗣守節內外兼理艱辛備嘗不辭勞苦

松筠栢操歷久彌貞享年七十有九此節孝之真有可風者

况氏職英高沙益大使禹謨之妹南城朝天坊胡宏忠之妻也年十八歸胡翁先卒事姑養生送死孝敬備至越五載生男在抱甫一歲夫歿哀痛絕粒幾欲身殉氏母再三勸之曰汝死孤兒何依是以矢志栢舟堅心課子冀其成名其子果補郡庠孀居業經四十九載輿論賢之現年七十有二

陳氏東貞四十三都烏峯鄧予彩之妻結褵六載生二子夫亾氏忍死守節茹蘖飲冰撫摩孤穉不遺餘力一切婚教之計俱憑十指經營故藐孤皆得所成立是能本慈以為嚴者要其艱苦為備嘗也節守五十餘年而卒塋之日遠近景彼芳聲胥為執紼且稱其貞搯獲報宜然

梁氏壽貞赤城洲上陳永謙之妻年二十四歲夫故生一子尚在襁褓氏哀毀絕粒孀姑劉氏泣語之曰我守節半世祇為陳氏一塊肉今吾兒夭折幸有孤孫可延宗祧上事下撫惟汝是依豈可死時耶氏乃勉留視息與老姑相依為命日夜紡績營生能使姑不失養子獲成立族鄰無不嘆為冰霜雙清氏節守三十七年而卒鄔氏菊英昴溪女也蛇姑嶺太學生彭大蛟之妻蛟遊南楚兩尊人在堂服勞奉養以媳代子不少懈蛟以病卒

於楚氏聞凶報痛哭幾絕願膝下藐孤忍死割痛自矢
冰操為諸孤成立計迄今五十年子列成均孫枝競秀
亦足見氏之節守有功

朱氏大坵章懋德之妻青湖朱應詳次女也懋德勤苦讀
書致病早卒氏年二十七茹藥飲冰上事舅姑下保孤
穉惟憑十指作生涯四十餘年艱苦備至族黨皆賢之
熊氏叩貞洪岡楊珉快之妻年二十六夫亡遺腹生一子
其時姑老家貧氏日夜紡績自植園蔬以為供膳或諷
之易節氏曰有姑當奉有子當育吾忍為此喪心事耶
茹荼集蓼苦守四十餘年至七十而卒

徐氏

貞四都南園羅超之妻年二十夫歿氏苦守撫孤

弱冠入太學娶盛氏為婦甫幸生孫而子又歿姑媳相
依冰操矍然日夜勤紡績治家隣媪以貧苦告者必賙
卹之年七十餘曾孫林立卒以壽終

聞氏姚翼世妻年十八歸姚連舉二子家雖貧安之若素
已而翼世歿氏一慟而絕若有詔之者曰汝為吾家婦
上有耄姑下有幼子俱於汝是賴汝何至此遂勉留食
息盡哀而止仰事俯育不減敬養之勞年七十有三二
子俱貢成均諸孫玉立昌熾正未可量

李氏薈貞龍山儒童吳化侃妻也年二十四侃以疾殂家
困甚孤僅三齡氏志矢栢舟撫摩孤穉凡教讀婚配生
涯悉憑十指後孤又病瘖奄延二十餘年兒媳相繼而

歿所對者孑然一孫其間經營鞠育集蓼茹荼莫可名
狀鄉鄰無不為之酸鼻現在孫列膠庠曾孫森立已足
徵苦節獲報

何氏龍山儒童吳淑衍之妻年十八歸吳姑病瘡氏親候
湯藥不少衰年二十夫亡撫孤守節事老翁尤備孝敬
鄉里難之

劉氏龍山太學生吳居寬之妻氏父為湖南直隸郴州知
州劉諱伯興幼嫻女訓歸吳挑燈佐讀伉儷甚諧逾年
夫以疾故氏哀毀終喪代夫立嗣垂數十年雖家人罕
見其面宗黨咸欽之

何氏河廣蕭茂德之繼室也氏籍湖北漢陽縣年十八以
室女歸蕭蕭時任湖北荆門州石橋司巡司氏在署經
理無不曲當生一子四歲夫歿氏料理喪事扶襯歸里
事老姑極得歡心處妯娌毫無間言今藐孤成立孫枝
亦秀節搵殆以是而益彰

何氏張坊儒童張曲誠妻也性嚴毅生一子一女皆殤姑
病篤氏割左股以進家人無覺者然姑卒不起是年夫
又失血氏復割右股以進家人亦無覺者夫歿氏觸棺
幾死勉留殘喘以治夫喪由是亦成羸疾漸至不起櫛
髮進藥惟嬾彭氏一人身任一夕彭與解衣見兩股疤
痕叩以故氏秘不言堅叩之始泣曰左為姑右為夫子
死不足惜但恨兩次不驗有愧於祖姑多耳初氏祖翁

張繁隆祖姑熊氏兩割股皆効氏獨無應亦有幸有不
幸欲要其節孝出於一家誠足後先輝映也

張氏勸貞四都楓山黃煥財之妻年十六歸黃性穎敏勤
于織紉孝事翁姑氏年二十六夫亡痛哭屢頻於死還
念夫無如續繼姪為嗣以延宗祀飲冰茹蘗自矢栢操
六十年如一日尤好施與以濟貧乏里人多德之

陳氏竹貞中巷胡應喜之妻年十七適胡生二子夫亡氏
時二十一矢志守節雖家徒四壁不易其心上奉翁姑
下養幼子惟憑紡績以自給迨後撫孤成立壽屆七旬
邑侯聶聞其賢匾旌松栢節齡戚宦朱公堪匾贈松栢
清操享年八十有三

王氏其先關中人父以同知職行商於吉安遂家南昌幼
適市南胡世芳為妻舉二子年二十五而寡事翁能盡
孝敬青燈熒熒勤女紅以課讀菽水修脰盡出於針黹
線腳之餘苦節數十年至老不懈子以選貢知桐梓縣
孫領鄉薦

劉氏十三都樂安太學生吳一元之妻年二十五夫卒脫
簪去珥深自晦藏孝事翁姑撫字孤息年八十三終內
外長幼咸無遺議今子孫蕃衍人皆以為節孝之報
吳氏三都邑庠生陸之燦妻廿年守節紡績營生上事翁
姑以孝膝下無子撫姪以繼夫嗣義方之訓無殊嚴父
洵女中之丈夫也邑令聶匾旌節媿松筠壽八十有八

姜氏臘貞城南石橋儒童吳重輝之妻十八歸吳機杼催
讀夫亡氏二十二歲矢志撫恤家貧甚紡績佐食姑以
累年羸疾服侍湯藥日夕無倦容姑亡念翁年老境逆
多方奉養每得歡心嗣是祭塋如禮節孝之風足風閭
里督學汪旌以古井盟心額

敖氏十二都雲堆傅增昌之妻年二十七生子甫數月而
夫歿守節不二事翁姑得其歡心交妯娌彼此無猜今
子入成均孫枝蕃衍皆其節操之報

陳氏瑞雲西陽劉垂象之妻年十八歸劉翁姑早逝每以
不得孝養為恨歲時伏臘必潔鼎俎展其孝思象以少
年經營湖海構疾而歸氏百般醫治卒不起維時一孤

未滿半週氏飲冰茹蘖四十餘年撫孤持家內外怡然
迄今子孫樹立成名論者皆謂令德之報郡伯沈公高
其節旌曰勁節延年

胡氏桂貞系出奉新適碧落巷歐陽巘為妻入門時翁姑
皆逝世祖姑能盡孝年十九生一子嗽亡氏矢志不貳
撫育辛勤督課惟謹子滙入邑庠娶新昌黃氏生子光
而滙又歿黃亦堅志守節姑媳熒熒視子遺如一綫比
光貢成均娶市南胡氏舉二子光復棄世今胡年八十
有四黃年六十有八孫媳胡亦年五十餘五世同堂曾
孫林立其三世苦節之徵歟

陳氏龍山太學生吳廣益妻也廣益年二十五而歿氏哀

慘痛切幾欲相從因姑老子幼勉強偷生數十年仰事俯育頗有賢聲不幸其子未及終養而亡姪鍾岳不忍絕其嗣以次子為之後

况氏絨貞二十八都坪上冷志孝之妻年十七夫故無出

家甚貧氏矢志靡他日夜勤女紅以謀生不忍使夫無

嗣撫育族姪以承宗祧苦節六十餘年

嘉慶四年題請

鄧氏忠貞堰溪梅占能之妻年二十七夫歿舅姑年暮一

子尚幼栢舟自矢日事紡績孝敬以奉高堂撫子成立

列成均里黨賢之享年八十有五

金氏重貞堰溪爵山梅靜能之妻年二十夫歿姑老子幼

家甚貧窘有勸其再醮者金正色叱曰婦人從一而終

况上有老姑下有孤兒忍忍置之勤紡績以奉姑課督

其子至於成立乾隆五十七年太守圖以栢操松齡賜

匾旌獎

王氏愛貞筠南錫瑞長女清湖朱弼作之妻生一女無子

夫早逝栢舟自矢紡績營生且性甘淡泊好施與父母

有饋遺氏輒轉周貧乏毫無德色節守三十年冰清玉

潔死之日合族以共姜頌之

李氏廬陵縣教諭李澂思之女城南徐承烈之妻年十九

歸徐孝事寡姑親搯井臼生二子夫亡長甫四齡幼在

襁褓家劇貧矢志靡他鍼指度活守節三十年艱苦倍

嘗俾二子成立鄉族稱之

金氏二十四都儒童周道鸞之妻鸞幼失怙賴母袁氏與
祖母袁氏孀守完娶氏性純篤十八歲生男閱一年夫
故氏痛哭不已誓以死繼姑與祖姑哀泣諭之曰汝死
孤兒何托兩寡誰奉其責匪輕未可以死謝也嗣是內
外嚴肅勤儉紡織上事下撫靡所勿周迨祖姑以老壽
終姑歿亦八十餘歲先後喪葬皆身任各如禮現年六
十有三子孫繩繩足徵其苦節獲報

李氏庭貞南城飛仙巷貢士一峰之女南城石橋太學生
吳舍輝之妻年二十六夫亡無子一女尚幼繼姪為兒
當夫卒時氏痛哭幾絕翁姑勸慰至再乃叩夫棺約俟
女子歸後誓必偕亡數年來嘗泣矢此語後女子歸甫
一月即夢夫催赴前約曉備述之是夜三更告翁姑曰
夫已來接我矣媳不孝未得終養言訖而卒是婦節之
足異者

羅氏金貞市南儒童漆楷之妻年二十三夫歿生一子歲
未及週家亦貧窘氏忍死守節上事老姑下撫孤憐悉
憑紡績為生涯後子獲成立慘以病故幸遺一漆器漆
媳談氏集蓼茹荼保抱維持不留餘力而婚教之善較
從前尤甚族鄰無不嘆其艱貞至六十四歲而卒

彭氏銀貞郡庠生甘翀之妻翀有文行早歿家貧窘彭矢
志不二備嘗艱辛紡績養姑曲盡婦道撫遺孤教育有
方鄉里稱賢

武氏一都左橋邑優增生劉青芝妻勤儉有素青燈佐讀生三子夫以勤學致疾而卒氏年二十八家貧親老日以紡織為生鄉里咸稱節孝

王氏蘭貞四十五都三湖岡上張鎮奇之妻年二十五夫故氏欲相從地下絕粒四日轉念有姑當事有子當育乃忍死以盡孝慈四十餘年艱苦備歷二子得以成立且叔伯三世同居獨力主持無不敬服其清操殆有古烈女風

劉氏秋貞上坊陳肇坊之妻年二十歸陳夫死守節遺腹生一子家貧甚紡績撫孤孤亡撫二孫不留餘力六十年來艱苦備嘗年八十有六

胡氏丁貞暇塘儒童周良慶之妻年二十二慶卒遺腹六月矢志撫孤口瘡手拮四十餘年孝順翁姑內外稱賢雖艱苦異常始終不易其操卒年六十有七

徐氏詹事府正詹徐敬齋先生之女山西太原縣縣丞吳學源之繼配也年十七適學源隨宦於太原分署結褵半載學源解餉蘭州冒暑奔馳歸膺重疾而卒氏扶襯歸里志凜冰霜年將七十家人有欲為之請旌者氏曰吳文端叱靳貴之婦汝輩獨不聞乎何敢重邀恩寵也其端莊靜肅始終不踰如是年七十有餘而卒伯庶常公學瀚憫其無嗣以次子邑庠生為其後

朱氏足貞幼淑而慧年十六適翰塘單道芳為妻芳以勤

學致疾而卒氏年二十八止生一子冰操自勵望子成名書令從塾師肄業晚於織紵燈下課讀今其子蜚聲黌序皆母教力也卒年六十有六郡伯佟公表以墓誌邑侯黃公頽其匾曰畫荻遺徽

涂氏良貞雷峯歲貢生正擴之女適富樓儒童幸守內為妻年二十三夫亡一子方在襁褓氏矢志守貞上奉翁姑下撫孤穉生涯悉資十指其艱辛有名言所難罄者節操凜凜族里嘖嘖稱之年餘六十而卒

金氏樓貞年十七適藍坊藍正祚翁姑早逝獨操家政未幾夫喪遺二孤俱在襁褓氏年二十六冰操自矢母兼父道辛苦備嘗今其孤玉立孫亦挺秀皆氏之力也卒

年六十有七

熊氏柿貞富樓儒童幸穎達妻也年二十夫歿遺腹生一子氏忍死撫孤與孀姑相依為命未幾姑歿冰操更勵孝養重幃數十年如一日撫育孤子教讀婚配艱苦備嘗聞者無不為之酸鼻

孫氏帶貞上十三都楓林文宗順妻年十七歸順越五年而順卒家貧無子翁老且病氏矢志靡他恂恂終養是能以婦道而盡子職者鄉鄰交口稱之

徐氏晃貞進士濟言之女副貢張良价長子師學之妻年十六適張甫兩月夫亡無嗣氏矢志堅守終養翁姑而家益貧窘茹蘗飲冰惟勤紡績以度日年至六十而卒

鄉族咸稱苦節

黃氏蕃貞年十八適孫仁為妻甫二載夫故家貧無措志矢栢舟孝事翁姑養生送死罔不盡禮悉憑紡績為資復繼子承祧以延夫祀維持調護艱苦備嘗是真皓首完操者鄉里交口道之

簡氏毓貞年十六適龍城儒童敖燦矩為妻越二年生一子甫四旬矩卒氏呼天搶地絕粒數日弔者慰之曰呱呱藐孤關係甚重胡勿效汝祖母亮節清操撫孤成立以承宗祧自是勵志栢舟孝事孀姑嚴訓孤子三世完節孫曾亦復不羣咸謂 詔旌有待

朱氏

貞二十八都幽嵐魯之元妻也年十六于歸越二

年生一子甫半歲而夫歿誓不欲生以藐孤在抱乃忍死家徒四壁茹蘖飲冰一切婚教之需及朝夕饗殮之給皆縫紉紡績所為其艱苦實有備嘗者現年七十有七鄉隣僉以節勁松栢稱之

羅氏蕙貞二十三都

翰議大夫廷棟女二十歲歸周生子

甫半歲夫歿氏年二十有二家徒四壁矢志靡他上事下撫不留餘力皆取給於十指經營端守閭範至于皓首不易是誠心安荼蓼節比松筠者鄉黨交口道之

謝氏二十三都蔡文化之妻年二十五文化卒遺一子甫半載家貧如洗勤紡績奉翁姑雖饗殮不繼從無怨言至今族黨咸稱之

丁氏轉貞太學生丁燦長女郡庠生富樓幸日宣妻也夫弱冠入泮銳志苦讀尋疾篤氏敬侍湯藥衣不解帶者數年夫逝一子早夭一女甫六齡氏堅志冰霜誓死靡他代夫孝事耄姑二十年如一日承繼兩姪為嗣諸孫繁衍亦足以見節孝之報

徐氏齋貞陵上黃自校之妻氏茹荼集蓼躬勤紡績助夫勤讀年二十二夫歿子甫二歲撫養為之婚娶婦又早逝復撫孫教讀成名皆氏之力也鄉里咸以賢母稱之周氏坡山朱寅臣之妻家計貧乏毫無怨言舉子一夫以沉疴不起輾轉床褥者二年氏服勞奉養不敢告瘁迨其卒也之死靡他念藐孤無着忍痛圖存甫長為之營

配方幸夫祀不殄未幾子夭形單影隻至老無依慘孰甚焉邑侯聶旌以百世流芳匾額卒年七十有二

朱氏錦貞二十八都遼江龔國蜡之妻年十六于歸十七歲生一子未一月而夫亡矢志守貞有勸其再醮者氏抱兒而泣曰吾舍藐孤而他適何以見夫於地下事姑最孝姑歿哭泣之哀喪葬皆如禮現年六十有五鄉隣共稱其節孝

包氏十一都樓下傅賚材之妻年二十而寡性成金石志矢冰霜養姑教子悉憑紡績之力守節三十年至蓋棺無一疵議

謝氏南城常士偉之妻年二十生一子夫亡氏矢志撫孤

高安縣志 卷一
保抱維持不遺餘力旋慘孤歿無嗣延祀爰繼姪孫以
為後守節五十餘年艱辛備至現年七十有八

賈氏德貞十一都山畚儒童傅代煥之妻幼嫻姆教幽閑
貞靜有古淑女風年十九歸傅越六年夫卒有子二尚
在襁褓家徒壁立氏矢志靡他茹荼集蓼以女紅自給
事翁姑備得歡心撫幼孤咸底成立其經營悉憑十指
守節四十一年現年六十有六族隣無不憫憐且重嘉
之

劉氏桂貞城北碧落巷姚紹先之妻年二十八夫故遺孤
有三夫故家徒壁立氏矢志苦守集蓼茹荼與藐孤相
依為命一切飲食之資婚配之計悉憑十指生涯聞者
無不酸鼻即今年踰七旬而機杼搥作未嘗釋手是境
愈迫而節愈堅者族隣賢之

幸氏蘭貞徐定邦之妻年十九適徐生三子夫早逝家貧
苦敬養翁姑親操井臼撫養幼子寡居四十餘載鄉鄰
咸稱為苦節現年七十有餘

簡氏真祥下觀張一銳之妻年二十七夫死子年甫五齡
氏堅守苦節凜若冰霜撫孤成立延師教讀立桂園書
屋以為子孫肄業地乾隆辛巳縣主李時溥旌匾曰矢
志靡他

周氏文黼之女適二十三都西壩劉元仁為妻年十八喪
夫生一子未及週年亦夭有勸其嫁者氏曰孀姑苦節

數十載如阿去姑必繼之以死是阿與姑固相依為命者也於是矢志冰操事姑以孝人皆賢之

李氏 貞柳岡周文祥妻也年十九歸文祥子甫六齡而文祥歿家計蕭然無叔伯兄弟可倚氏食貧茹苦紡績以養老姑撫幼兒終身無一疵議鄉黨莫不稱賢年八十八歲而終

謝氏燈貞西陽劉垂案之妻年十七歸劉夫以疾亡生子甫二齡氏矢志栢操艱貞自勵上事舅姑下撫孤穉悉藉紡績為資而祇若行其所無事里黨稱為節孝信然

諶氏鳳貞五里貢生諶克功之女畚山監生賈嗣通之妻年二十六而寡孤甫半歲氏誓志守節事孀姑備得歡

心姑歿喪葬皆如禮課子讀書嚴而有恩守節三十餘

年現年六十三歲

鄭氏北城叢桂坊職員幸守仁妻年十九而寡欲以身殉念祖姑在堂一子甫週歲矢志栢舟事親撫孤曲盡其道君子善之

劉氏啓秀十一都孔里鄒際探之妻年十六歸探越三載探病氏服侍湯藥經年不為瘁比探卒誓不改醮事舅姑以孝訓孤子以嚴清操勁節數十年如一日里族悉稱其賢

何氏桂貞監生胡之達妻夫卒二子尚幼青年矢志冰操自勵姑病刲股以嘗孝養甚摯紡績之餘挑燈課子長

補郡增季入成均僉謂節孝之報邑侯黃公匾旌柏操
垂範年七十三而卒

熊氏十八都石街胡禮勇之妻年十八歸禮勇越二載夫
故無子誓不再醮遂請命舅姑繼姪為嗣撫摩鞠育靡
所勿周而機杼操作至老未嘗息瘁現年七十有八培
植孫曾恩勤倍至其清操峻節族黨咸稱頌之

鍾氏鳳貞米峯陳文進之妻十六適進十八生一子甫彌
月進病因喎氏曰吾家無斗筲仰事俯育唯汝是視氏
頷之進卒氏集蓼茹荼日夜勤紡績度活而高堂甘旨
無缺膝下凍餒不形既而翁姑告逝衣衾棺槨百計經
營無不備具里黨賢之

况氏巧貞伍橋何南勉之妻十七生一子甫歲餘夫卒當
屬纊時雙目不閉氏泣曰汝無以仰事俯育為憂千勸
重擔妾以一身荷之言訖而夫目瞑自是飲冰茹蘖數
十年來節操凜凜養生送死之禮粗備兒女之婚嫁早
完死者可生言猶在耳洵無負矣殆巾幗中之丈夫歟
傅氏十五都湖東庠生王之珽妻年二十八夫亡哀慟絕
粒死而復甦者數次因念上有老姑下有穉子欲成夫
志徒死何為乃矢志守貞奉姑以婦而盡子職教子以
母而兼父道清操無玷咸稱羨焉

周貞女豐城邑庠生景勳所出許字世襲騎都尉朱詔爵
次子錫禧隨父廣東和平都司任抱疾而歿貞女聞凶

耗誓不二天及詔爵遷浙江楓嶺遊府挈眷之任道出
豐城貞女稟請父母素服相隨抵家辛勤紡績敬事翁
姑人無間言年三十七而卒與其夫合塋於迤城山以
全其志

汪氏米嶺塘源太學生彭永安之妻年二十五夫亡乏嗣
矢志栢舟繼姪為後教讀婚配全憑紡績取資而集蓼
茹荼至老勿易有古淑媛風嘉慶二十二年題請建坊
袁氏米嶺塘源儒童彭永齡之妻年二十四夫亡無子誓
不二天撫姪為嗣以延夫祀事翁姑備極孝敬本婦道
而供子職終始勿替族黨嘖嘖稱之

黃氏漆貞二十四都斜橋熊惟寀之妻年十九歸熊遇姑
歿遺叔甫三齡氏代為撫養不辭勞瘁越二年已生一
子甫三日夫故矢志靡他迨一子復歿惟與小叔相依
為命日夜勤紡績助翁婚教之資殆不愧媳兼子職嫂
備母恩者現年六十有一繼姪以紹夫嗣族黨咸以貞
節孝慈籲請邑侯俞給匾節操松筠獎之

蕭氏月貞井塘幸嘉恒之妻年十九歸恒生一子恒歿氏
年二十六歲誓不再天上事翁姑下保孤穉不遺餘力
晚年子復病故忍死與孀媳共撫孤孫其艱貞尤為倍
至年介六十學博胡匾旌節孝流芳洵不愧也迄今壽
躋七旬其媳何氏亦節守有終人以為冰雪雙清云
黃氏交貞十都河頭盧允游之妻年十九歸盧二十六歲

而寡夫死旬日始生一子氏誓不改醮堅志撫孤及長就塾恩嚴並用事舅姑尤克盡孝養終始如一里族僉稱其賢

蕭氏良貞南山儒童何詳緝妻况氏閑貞儒童何詳納妻兄弟早喪兩氏冰操共勵守節撫孤上事翁姑孝敬備至數十年如一日至今鄉鄰競稱妯娌雙節

龔氏義貞南山何詳亮之妻年十七歸何二十六夫故甘貧守節誓不再天踰年翁卒喪塋悉以身任至孝養孀姑撫育孤子惟藉紡績以為生涯是誠艱苦備嘗冰霜競潔者至今白首人無間言

何氏信貞龍山吳象元妻年十六適吳家貧甚親操井臼

竭力撐持踰年生一子越四歲而夫歿氏忍死治喪盡以所餘償夙負由是飲冰茹蘖刻勵撫孤門戶因賴以勿墜壽至七十八而卒

敖氏蘭貞年十九適鄒厚元為妻二十四歲夫卒氏痛哭幾死以上有翁姑下有幼穉故強留未幾一兒復殤有勸其再醮者氏厲聲曰生為鄒婦死為鄒鬼此言毋污吾耳松筠其節冰雪其心洵足以風巾幗云

熊氏昭貞蕭坊蕭必添之妻家貧以紡績佐讀年二十五夫歿氏矢志守節教子學幾成又凶肝腸慟裂荼蓼自甘事孀姑二十餘年孝養不倦族黨既賢之還重憫之陳氏坡山朱笏臣次子國烈之妻適朱孝翁姑睦妯娌人

無間言舉一子而夫殂氏時年二十矢志撫孤教養備至為娶媳熊氏其後子亾與寡媳相依為命飲冰茹荼四十年如一日人曰潛德幽光姑其至矣媳亦步芳軌而勿違

黃氏快貞黃塘大岡下朱運敬之妻敬客楚身故氏年僅十九無出家甚貧一老姑在堂誓不他適勤女紅以奉養入繼族姪為嗣四十餘載艱苦備嘗冰霜勁節人無間言

孟氏彩貞二十八都橋頭鄒懋璧之妻夫死氏年二十五一子甫離襁褓栢舟自矢事翁姑孝養有加待妯娌和順備至尤殷勤訓子紡績之餘挑燈課讀以數奇循例

入成均婦兼子職母有父風鄉黨鄰里靡不嘖嘖稱頌章氏寅貞中書陳規和之妻年二十夫歿無子撫姪遠猷為嗣愛之不啻己出守節五十餘年貧窶不怨人謂有

歐母遺風現年七十有三黃氏張坊張元忍之妻事姑以敬相夫以禮教子以義姑病危氏晝夜禱祝祈以身代剝左股膳進病乃全愈享

耄年而終里黨咸稱孝婦劉氏古塘朱長之妻年二十歸朱越二年長商於外音問不通家如懸磬勤苦紡績奉養翁姑十餘年不倦後有傳聞長在外物故傷痛欲絕因念雖無子嗣翁姑在堂需人奉侍養生送死胥竭力焉迄今鄉黨咸稱其節孝

朱氏祥貞太學生士英之女龍山處士吳凌雲之妻年十七歸吳幼嫻女訓伉儷篤甚逾年生子二月即歿其夫氏哀毀終喪勵志守節雖家極貧苦而事奉翁姑每夙興夜寐未嘗少倦課子極其殷勤時囑其子曰汝父讀書未能成名不幸早世汝宜克自樹立以繼汝父之志亦可以少慰吾心矣族黨間咸欽之

熊氏南城邑廩生徽之女年二十歸儒童徐成瓚家計蕭然以紡績佐奉甘旨越數載瓚歿姑老多病氏竭力孝養侍服湯藥至終不倦代姑撫子下恤孤穉各極其至雖貧苦從無怨言鄉黨咸稱其有清白家風云

劉氏盤貞珠湖孝廉傅鐸子予利之妻利有夙慧家貧力學以辛勤致疾氏割股以進得稍痊越數年歿氏栢舟自矢事姑教子各極其至鄉隣欲為之請

旌表力拒之曰未亾人所以偷生者原期教子成夫夙志耳豈要名哉聞者益敬重之

鄒氏雁貞清塘聶為棠之妻本農家女知書曉大義棠素慕儒術有教子志未遂而歿氏矢志靡他專以孝姑教子為務小學論語皆其口授課法綦嚴士君子咸謂其有畫荻和丸風焉

梅氏桃貞文林郎朱焜妾也焜為漢中西鄉令以病劇亟欲告歸寓書招其子必塲以迓時必塲先期赴禮闈氏曰家長遠出又無次丁以父召寧莫之應耶乃以姆伴

數千里達署奉侍湯藥未幾云殂氏哀禮盡致扶襯而歸及必場聞訃至則輓車已發矣氏哭哭守貞數十年至七十五而卒此女之才而有節者

李氏止貞三都甘源鞠伯忠之妻年十九夫故遺子半週翁姑年老氏矢志撫孤日事紡織為養姑育子計族黨賢之現年六十有七子孫蕃盛貞節之報正自不爽也鄧氏四都南園陳洪本妻也夫亡遺二子長尚襁褓幼遺腹生時居食兩懸無策其完節者氏拮据撫摩勤績督課踰三十載而堂構新恒產裕幼子補入郡庠語兒曰吾今可對爾父於地下矣後十年餘以幼子病亡賚恨以終人嘆慕之

幸氏良山太學生熊鍾之妻年二十夫與舅姑俱逝氏抱孤子日往坟墓號泣者三年後紡績勤餘補捐其夫太學子亦貢入成均邑侯二張一旌勁節流芳一旌柏節松齡現年七十有四族里嘖嘖稱之

姚氏張坊張東積之妻于歸未久夫即殞世得一遺父子日抱啼泣子甫長氏口授四子書一字無訛及冠即詩文詞賦皆教誨焉族黨共稱女師卒年五十有五

冷氏社山朱子諒妻年廿三夫亡子僅二齡矢志不二撫孤食貧取媳王氏子旋天孫在襁褓姑媳艱苦相依為命均享高年鄉里稱之其孫媳■氏亦效姑節孝云晏氏賀貞南城上坊戴國楨之妻年十八歸戴孝事翁姑

生子甫二歲夫亡在外脩極拮据奔柩歸葬矢志柏舟
撫孤成立迄今孫枝蕃衍洵卽孝之報也

趙氏連貞南城上坊太學生陳世璆之妻事翁姑極孝待
妯娌甚和生一子甫週歲夫亡氏悲痛不已矢志冰霜
辛苦備嘗撫孤成人孫枝玉立戚族賢之

胡氏三貞十四都秋塘太學生黃昌省之妾柔順貞靜得
生一子昌省旋天正室亦亡氏矢節操上事姑嫜下撫
孤兒飲冰茹蘖數十年如一日鄉黨稱羨之

幸氏艮山熊明秋之妻年二十夫歿無子柏舟自矢撫姪
為嗣勤儉持家笑言不句課子尤有和丸風子肄業鳳
儀書院聞於太守蔡公世恪匾以松筠勁節

聶氏李貞二十七都上港金祖豹之妻年二十而夫亡觸
棺滴血誓以死從適當有身故忍痛全生冀延一脉越
數月果舉一子勵志撫孤茹荼食蓼與老姑同深懷抱
後孤比長督其肅心儒業資斧悉憑紡績而來可稱有
節有才者至戚進士吳公知之甚悉曾以松栢盟心為
匾贈之

朱氏道貞堰溪梅漢盛之妻年二十六夫故家况蕭條一
子在抱老姑在堂氏矢志靡他日夜勤紡績以作生涯
卒能使姑不失養子獲成立計其節守艱辛備歷洵足
為巾幗偉人

陳氏鍾貞儒童何解言之妻年十八歸何生二子夫卒矢

志靡他日為鄰澣衣炊食勤紡績以活其子艱苦愈甚
節操彌嚴卒年六十有七

何氏閑貞井塘幸守接妻幼從父讀書即曉大義年十八
歸接終七年夫故痛不欲生終以姑老在堂孤子焚焚
在疚忍死守節孝慈兼盡數十年如一日至卒人無間
言

孫氏秀貞教至儀妻年十八歸儀儀客楚平江縣之孤山
洞慘遭盜殺匿其屍父奔控得盜立決乃歸儀骨氏痛
悼幾絕時年方二十四決志守貞事翁姑以孝撫姪承
祧紡績營生真苦節也

朱氏好貞竹溪吳榮鐸之妻年二十四夫卒子甫四歲家
貧守節勤苦自持事舅姑孝敬不怠撫遺孤教讀成名
七旬時督學周匾旌之年八十有七諸孫同入黌序人
以為節孝之報云

黃氏十一都畬山賈嗣瑞之妻年十七歸賈二十六歲夫
故家極貧有憐憫其無子勸改醮氏曰內無期功強近
之親若婦去如翁姑何爰繼姪為嗣勵志女紅仰事俯
育奈翁姑既逝嗣子亦夭族鄰憐之

胡氏太學生周烜之妻年十七以室女歸周成婚五載夫
亡氏柏舟矢志視前子如己出日夜紡績為子完配甫
舉一孫其子又亡氏與寡媳茹藥飲冰共撫孤孫以延
夫祀迄今六十餘載人無間言

晏氏孟貞三十一都施坊蕭士濟之妻乾隆壬申年姑病危篤幾絕割股救痊事聞縣主聶公元善匾旌孝行可嘉

陳氏荷貞孝廉陳洪元之女珠湖傅弼縉之妻年十九適傅孝事翁姑言笑不苟後五載夫歿堅節撫孤甘貧忍寡人謂仕宦之女所難年六十三而歿

傅氏能貞珠湖吏目傅遵業之女四都平湖曾安懋之妻年二十七夫歿堅志撫孤紡績教子有患其年少家貧諭以再醮者氏奮然曰此吾事也於人何與人服其志現年六十有五

辛萬狀百折不回承繼一子為嗣又天凶遇愈苦而操愈堅終無悔言

王氏蒲貞三十一都蕭坊廟下蕭家備之妻年十九夫喪遺腹生一子有憐其子幼而寡勸令他適王矢志恪守誓不再天姑熊氏亦寡居王奉侍維謹者三十餘年雖貧無立錫而紡績營生始終無一疵議里人稱之

曾氏坡山朱泰臣次子國庠之妻也幼即知書能文適朱後挑燈佐讀與夫上進孝養翁姑和睦妯娌姑以病幾不起刲股乃痊年二十五而夫歿矢志不二勵志教子備嘗荼蓼鄉里稱之其子以畫荻故得采芹現年七十有二

鄭氏衛千守仁之女朱之元次男綠藻妻也于歸後孝養
翁姑相夫讀書舉子一年二十而早寡矢志栢舟為孤
完娶子且生孫飲冰茹藥五十年如一日學憲胡公旌
以匾

魏氏南昌宦常州太守女青浦令允安之妹適坡山舉人
朱必坊將赴銓以母老不忍去魏曰揚名顯親孝之大
者姑雖老問寢視膳妾可代也行矣勿慮後必坊選雲
南定遠令道遠不能迎養母病劇百藥罔效魏刲股以
饗服之立愈蓋至孝所感云

楊氏足貞十都城上黃應絲之妻年二十五夫歿家貧甚
子甫七齡氏矢志苦守上事翁姑下撫孤穉艱辛備歷
而機杼操作至老藉為生涯是真節勵松筠者卒年八
十有五鄉隣無不悼嘆而褒美之

皮氏賤貞孝廉朱承恩妾性孤潔承恩勵志功名寄跡都
門皮甘苦食貧朝夕紡績以奉承母無怠容比承卒於
京凶耗至皮哀號辟踊誓不欲生既而忍死事姑生養
死塋悉如禮守貞數十年至六十七而終

鄒氏陳仁智之妻年二十五仁智病劇臨歿語氏曰汝少
無子當別適氏泣曰婦人從一而終禮也君有老母妾
去誰養遂截髮為盟苦節自勵養其姑以天年終清江
楊勤慤公有傳

李氏坡山朱必坊之妾也坊宦雲南為定遠令在任娶江

西旅寓者之女李氏年僅十五端莊靜一兼曉大義坊
解組携歸家有正室事之如夫舉子一未幾夫抱沉疴
氏刲股以進卒罔效夫歿忍死撫孤苦訂婚配比長孤
以家窘外出長年不返後竟杳不知其所之氏形單影
隻食貧茹苦者三十年現年六十有一

鄒氏棠貞碧落巷歐陽友之妻生子二夫歿氏年二十一
矢志不二事姑以孝撫孤以慈紡績縫紉飲冰茹蘗為
子授室閱四十餘年如一日年六十五而卒

熊氏袁應瑞之妻生二子夫旋逝二子尚在襁褓氏時年
二十一歲矢志撫孤飲冰茹蘗人無間言至八十而卒
江西學政張公錫以匾額有柏節松齡之旌其媳熊氏

克盡婦道甫舉一子僅半齡夫亦歿氏年方二十步老
姑之芳踪矢不二之貞節且能教子成名本郡太守陳
公廉知其事亦旌以志希歐孟何其先後若一轍與

黃氏 貞十五都笈塘陳際元之妻年十七歸陳越三載
夫凶氏決志苦守事奉翁姑克敦孝道痛夫無後撫姪
為嗣現年六十五玉潔冰清鄉黨重焉

朱氏赤溪王宜遐之妻社山郡庠生子康之女年十七歸
遐遐有夙恙氏勤勞日夜衣不解帶湯藥必嘗而後進
越半載而遐逝氏誓以身殉奈翁姑老邁苦無服事因
忍死食貧勤紡績以盡生養葬祭之禮孀居五十餘年
冰操凜凜雖至戚不能數見也繼嗣而教讀成名頗有

和熊風鄉隣咸推重之

陳氏郁英荷山監生陳洪惠之女十一都溪頭儒童雷極汲之妻年十五歸雷越四年姑歿夫亦繼亡生子二氏矢志靡他以織紵營生事翁竭情盡禮課子嚴而有恩鄉黨咸推重之守節四十五年現年六十有四

胡氏通貞十七都象城簡興顯之妻年十九歸顯越五載而夫故氏剪髮為盟守節撫孤不以貧苦繫念後家益窘迫子客千里日夜惟勤紡織以作生涯而霜操凜冽足跡所經至老不踰閭閻是真可風巾幗者享年八十簡氏蘭貞上十二都前港鄧軫之妻年二十四夫歿子甫週歲痛夫不欲生憐子不忍死家存薄田四畝栢舟自矢惟憑十指度日至中年衣食粗足姪媳無嗣而寡見其有志守貞即令同居共爨相依為命以全其志是不惟成己之節併有以成人之節也鄉黨善之

胡氏錦貞一都塘下劉發仲之妻及笄于歸親操井臼孝事老姑越數年而夫外出姑邁危疾百計調治罔效氏籲天默禱割股肉以進而姑病霍然且以壽終人鮮有知者後十餘年有女侍寢見其左股深疤亟亟致詢乃語以故傳之隣媪無不嘆竒至今鄉里僉稱為孝婦

梁氏鶴貞四十四都周發元之妻年二十二歲夫故一子甫歲週氏忍死撫孤保抱維持艱辛備歷一切婚教之計全憑十指經營且能使孤名立行成以遂其志可謂

有節而兼有才者以風巾幗良不愧云

黃氏蘭貞塘頭儒童傅代舉之妻年十八于歸挑燈做讀越六載而夫歿膝下無嗣氏矢志苦守集蓼茹荼日以孝養翁姑為事迄今冰清玉潔至老勿移族隣咸稱其節孝

黃氏香貞山畬儒童傅代對之妻年二十二夫與子相繼而亡遺腹僅生一女氏則之死靡他茹藥飲水以媳代子凡翁姑之生養死祭罔勿如禮復繼堂侄為嗣教讀婚配取資盡出女紅隣里推其孝慈兼盡

曾氏常貞平湖邑庠生諱喻之女年二十歸珠湖傅經邦之次子雅秀甫四月雅秀以攻舉業得勤疾氏躬侍湯

藥寢食不寧歲餘夫歿氏哀毀絕粒幾不欲生因腹有遺珠遂忍死越月生女號泣逾常姑以仰事俯育相勉乃毅然以清操自勵克盡孝慈後姑年老見逝女又及笄而亡氏矢志彌堅克公拔秀幼子嘉謀為嗣現在諸孫環立延師課讀殷勤懇切人無間言

吳氏十六都折棠山業儒黃大利之妻年十九孀居矢志栢操紡織教讀後子蜚聲庠序鄉鄰咸稱為苦節之報吳氏露貞龍山人儒童熊遇際之妻年十七歸熊時姑暨姆病卧在床氏侍湯藥勿懈逾年姑姆先後歿氏以一身摒擋家務不以貧故稍累夫心年二十六夫亡氏矢志守貞勤儉教子人皆稱為苦節云

周氏早貞學山涂天餘之妻年十八適涂生一子二十一歲夫歿氏矢志栢舟茹荼集蓼凡上事翁姑下撫孤穉皆憑十指經營且能以慈代嚴本銖積寸累之資擇師教子底于成立其艱貞為倍至也卒年六十有餘鄉里重之至今僉稱為苦節

塗氏南山何天縱之妻年二十于歸家計蕭然以紡績佐讀事翁姑以孝聞未幾縱以辛勤致疾氏默禱願以身代踰年縱歿誓不欲獨生因子女年幼乃強留視息撫孤成立族黨僉服其閭範可風

朱氏閑貞三十都艮山熊瑚行之妻于歸熊門僅生一子越五載而夫歿氏矢志守貞常以冰霜自厲上事下撫全憑紡績經營卒能使親不失養子獲成立族黨皆津津道之謂可與松筠比節又何愧於青史之標云

吳氏遜貞十七都大塘國學生簡得之之妻年二十五夫歿剪髮為盟守節撫孤躬操井臼笑言不苟日夜以紡績為事延師曲盡其禮課子不減晝荻冰操凜凜鄉黨咸稱女中君子誠無愧焉

烈女果英六都和坑張伯達之女幼慧異常許字田心羅福生為配年十七將婚而福生死女聞訃哀痛欲絕衰麻詣夫家祭奠未幾母憐女幼欲別締女覺即自縊家人急救獲甦及夜潛赴水死一時聞者俱為泣下

陳氏桂貞珠湖傅文橋之妻年十八于歸越四年夫歿遺

腹生一子氏矢志栢舟與孀姑相依為命辛苦備嘗俾
藐孤成立而後已今子孫蕃衍人以為真節之報云

朱氏二十四都童生周良特之妻挑燈佐讀克盡婦道年
僅二十夫亡誓不欲生還念翁姑在堂無人奉養乃忍
死日夜紡績謀菽水承歡孝養備至翁姑相繼而歿祭
葬又悉如禮節孝之稱異口僉同現年六十有二

吳氏桂貞南城錦水彭俾之妻年十八歸彭事翁姑極孝
相夫子以德越九年倬逝僅遺一子氏矢志栢操以母
道而兼父道教讀倍至子貢成均享年七十有餘人以
為節孝之報云

晏氏梅貞十六都折棠山黃大璵之妻年二十二夫歿氏
栢舟自矢上事下撫孝慈兼至且能勤紡佐翁教子成
名僉謂守節之報正未有艾焉

鄭氏赤土陳克庸之妻劍邑南頭巷鄭淑仁之女也歸陳
敬順備至越九年而克庸遽逝遺孤在抱氏斷指自矢
雖境處孤危冰霜之操不為稍易曾居母家七載攜孤
還陳教讀成名厥後享以高年子孫蕃衍宗黨至今稱
之

吳氏吉貞黃筴邑庠生吳光第之女適十三都夏方劉家
義義力學致疾而歿氏年二十七事孀姑克盡孝敬撫
二子課以義方紡績惟勤艱苦備嘗隣族欽其淑德內
外無間言現年六十歲

朱氏早貞一都太學生劉發仁妻大學士朱文端公胞弟
姻之女也及笄適劉雖出世族能守約自下琴瑟靜好
生子二夫歿年廿二矢志靡他事姑孝撫孤慈縫紉紡
績四十餘年如一日今子孫成立壽六十五而卒

吳氏芹貞城南王文化妻年十九歸王姑已歿事翁孝生
子三越九年夫疾服侍年餘罔懈夫亡矢志冰蘖撫孤
成立於今孫枝蕃衍識者卜其後必昌大云

聶氏懿貞十都小塘儒童傅光興之妻年十八于歸井臼
親操挑燈佐讀越九載而夫故氏柏舟自矢撫育諸孤
維持調護靡所勿周尤肫肫以教子為念思竟夫未竟
之志凡所取資皆從十指而出其艱苦實為備歷者卒

年八十有五

雷氏寧貞十都院背劉兆應之妻年十六歸劉舉子三至
廿六而夫歿氏觸棺幾死母黨苦慰之乃甦自是矢志
靡他躬勤紡織撫育孤兒必使成立而後已現年六十
有餘宗族僉嘉其苦節

傅氏灝貞五里謚守燕之妻自幼有志節及笄歸謚甫四
載而夫亡一子在抱室如懸磬有姑寡居每哭不絕口
慮無以為孀媳計婦曰子亡媳豈俱亡萬不以境地逼
人妄生異志也自是紡績營生與寡姑相依為命中幃
雙節里人稱之

童氏洪城幸琳之妻年十八歸琳琳嗜學未售而歿氏矢

高安縣志 卷十七
志柏舟搽井曰勤紡績事翁姑以孝聞撫遺孤茹茶飲
藥辛苦備嘗見有溺女者多方勸慰以養育自任今子
成名孫林立現年六十有二乾隆六十年奉
旨旌表建坊

王氏二貞江南亳州人也西陽劉崇簾之妻年十七歸劉
端莊柔順廿餘歲舉子二遽失所天氏哀痛慘怛誓不
欲生因念翁姑年老遺孤幼穉遂矢志柏舟茹茶飲冰
現年六旬二子成立都人稱之

劉氏意貞十六都冷塘儒童盧運文之妻年十六適文生
子國治年甫八齡夫歿一慟幾絕流淚過傷因而瞽目
屬志撫孤遵例捐衛守備未幾國治亡遺媳胡氏銀貞

孤僅三歲氏孝奉孀姑誓不二天子亦遵例捐職兩世
節搽孫枝森秀人咸稱頌弗衰云

周氏丕貞暇堂貢生道西之女年十八歸珠湖傅予紹越
七載而夫逝生子甫髫齡氏矢志冰潔事翁姑極孝艱
苦備嘗從無怨言里黨稱之

程氏金貞一都下藍曾明臘之妻年十八歸曾生三子氏
年廿七夫歿矢志靡他家無長物日勤紡績備嘗艱苦
有勸以再醮者輒力拒之現年七十有六諸子成立鄉
里以為苦節彌光云

劉氏勸貞琴山劉運昌之女荷山陳守敬之妻年十九適
陳孝事翁姑隣里稱善後數年敬歿甘貧守志教子讀

書逮子補入膠庠俾敬累世書香不絕人謂氏有力焉
黃氏年貞洲上延安之女年十八歸南門吳興謀為妻事
翁姑孝敬極至相夫子勤儉兼盡越九載夫歿誓守冰
節家貧子天撫孤女三日勤紡績現年六十有二里黨
賢之

蕭氏峽嶺朱之贊妻也自幼于歸十八舉子未幾夫歿氏
撫棺慟絕誓不欲生而以孤需乳哺忍死未亡家計窘
甚母子顛連無告非十指朝夕不給且拮据萬狀為子
授室徐亦抱孫夫嗣賴以不斬冰蘖苦操四十年里黨
稱之人無間言

吳氏桂英五都南溪甘維報之妻年十八歸甘生一子甫

四齡夫歿氏矢志撫孤保抱綦切稍長課以詩書每於
紡績之餘令其背誦一日子外戲氏責之曰爾父業儒
賣志爾懈怠如此尚安望耶憂悶不食累日其子感悟
力學甫弱冠補邑庠生人謂有仲郢母風年八十五歿
徐氏孝廉公遷之女桐墅朱恩遐妻氏出望族本家學為
女德于歸後事翁姑以孝相夫以無違年二十五夫抱
沉疴舉子一甫二十日而見背氏誓不欲生以藐孤故
乃忍死家徒四壁艱苦備嘗五十餘年如一日迄今子
孫蕃衍咸稱苦節之報云

章氏節英南城候選縣尉高守奇妻事翁姑以孝克盡婦
道舉丈夫子厥後子媳亡僅遺一孫孤苦甚氏勤紡績

訓孫成立歷艱辛三十餘載壽七十有三今孫貢成均
曾孫蜚聲庠序元孫林立皆節孝之報也

陳氏琴貞五里諶克俄妻氏年十八歸俄越四載俄逝遺
一子仃伶孤苦家徒壁立氏誓不二天艱辛備歷孝事
翁姑訓子成立迄今孫枝蕃衍多貢太學方興未艾食
報信不爽歟

何氏桂源儒童幸逢然之妻適幸數載生子一夫歿氏年
二十三矢志柏搽敬舅奉姑以婦代子課兒娶媳以母
代父冰雪之搽戚里從無間然

廖氏定貞二十三都龍崗職員丁述祖之妻氏年十八歸
丁生子三夫疾日夜服侍多歷寒暑夫心痛楚至死而

復甦者數四柏舟自矢孝事翁姑撫孤成立長貢成均
節孝獲報正未有艾云

龍氏牡貞適二十三都龍崗丁廷芳為妻氏于歸歷年未
久夫亾事翁姑以婦代子訓諸孤以母兼父矢志冰蘖
數十年如一日迄今子貢太學孫枝蕃衍貞節有足風
焉

劉氏招貞一都杭橋鄭安良妻孝事翁姑克盡婦道生一
子泰秀夫亾矢志不二撫孤成立為之擇配高氏正貞
越六載秀歿氏痛幾絕願效孀姑辛苦共嘗相依為命
數十年如一日里黨咸憫之

高氏叔貞一都杭橋鄭安清之妻年十七歸鄭事翁姑以

孝相夫子以勤越十載夫逝氏矢志柏舟飲冰茹蘗以
歷艱辛孤燈熒熒形影相弔節操之堅人無間言

傅氏西陽劉繁昌妻年二十七歲夫亡繼姪為嗣苦節勵
行數十年如一日孝惠翁姑延師課讀子入成均孫領
鄉薦享年七十四歲咸以為節孝之報云

鄧氏西陽劉祥善繼室年十七歸劉二十一歲夫亡撫前
室子如已子家雖貧以苦節自勵翁姑早喪事祖姑有
孝聲年五十四歲卒旌黨至今猶稱其節孝云

謹案閨範一門不僅志節烈也事有可志即志之道光
三年冬四年春據家屬族隣呈請入志皆嘉慶元年以
後之未入志者爰付局中同事採訪詳確得壽母二貞
女一烈婦四節婦百六十一孝婦一哀婦一凡百七十
人列傳百五十有七其未請

旌而存者咸予以額其歿者子孫來請則予之勵風俗也

邑令高以本志

閩範

幸氏三十都西溪太學生童大文之妻有淑德孝敬翁姑和睦妯娌數十年如一日好施予里中多待以舉火者尤尊禮師傅子姪輩登賢書者三列黌序者踵相接壽百歲五世同堂嘉慶二十二年邑宰請於上官奉

旨建坊額曰貞壽之門錫銀緞

陳氏七都石城陳忠功之長女

贈登仕郎涿江黃修綬之妻以子官

贈太孺人事姑盡孝相夫無違長子明備候選州同次子明

透太學生三子明愷福建大田縣桃源分司代理詔安

縣事四子鳴祥邑庠生孫曹多列泮宮其已登賢書者

家琳癸酉舉人宗室教習家瓊癸酉選拔後與胞弟家
驥同中丙子鄉魁現充覺羅教習壽八十七五世同堂
其時長子已得曾孫也嘉慶戊辰年奉

旨旌表建眉壽延慶坊

姚氏七家山人幼字楊林徐必梓未嫁而必梓歿於他鄉
聞訃一慟幾絕矢志留母家數年知翁姑老而食貧毅
然往事以紡績供甘旨翁歿姑病牀褥經年侍湯藥不
少懈撫猶子定吉為嗣教讀婚配俾克成立道光元年
奉

旨建貞女坊

朱氏社山邑庠生朱芳之女石塘熊成美之妻年十八歸

熊甫數月夫中熱而殞力求身殉守者稍懈投繯卒聞
里聞之無不驚嘆邑令王匾旌貞節流芳

盛氏古樓太學生盛六吉之女觀田儒童李樂之妻年十
八于歸未週歲而夫歿殯殮事畢撫棺大慟曰夫魂不
遠吾相從地下耳翁姑防之稍疏竟雉經而卒遠近無
不嗟悼

朱氏富樓邑庠生幸金垣之妻垣父與兩伯父俱負才早
逝姑丁氏伯姑張氏熊氏三婆同心課垣成學氏年廿
一歸垣廿七歲垣歿氏有遺腹四月以頭觸棺血淋漓
欲絕姑撫而泣曰兒獨不能為吾門延一線耶彌月舉
雄三姑俱色喜氏含淚乳哺未幾而殤衆方聚哭氏已

入室投繯矣哀哉一門三節而氏又以烈見稱何時得請於朝以慰貞魂以勵風俗也

蕭氏十五都義城張國美之妻年十六適張夫嗜學成瘵奉侍湯藥三年夫歿氏年二十四號泣血流妯娌力救之經旬不寢不食投繯而死

李氏讀岡邑庠龔倚之妻年十八歸倚舉一子三載倚歿忍死撫孤孤又殤遂慟不欲生緣重慈在堂不忍益增其痛身兼孫子以奉祖姑俱臻上壽夫以節兼孝婦代子職者有之乃更承含飴之歡惟氏僅焉撫姪為嗣補邑庠嘉慶丁丑請

旨建坊

譙氏南門外皮守煌之妻生一女煌歿氏年二十六痛哭已死聞姑叠喚而甦曰微姑在吾實不願生矣隱忍承歡至老不出戶庭終身布素夫弟守焜奉以裘帛辭曰未亡人心久如冰此安得煖奇語亦摯語也嗚呼可以風矣年六十一卒守焜以三子太學生均元繼其後朱氏仁濟坊儒童徐遐齡之妻少詹敬齋之曾孫媳也年二十二結褵僅四十八日而寡家無擔石儲紡績奉甘旨鷄鳴乃止每以為常以夫弟次子嗣殷勤督課俾學有成道光三年秋隣人不戒於火燒及檐際舉室皆婦女氏命扃門往救者概不納謂媳等曰此宅豈容外人入耶其臨難不苟如此

高安縣志 卷之十一
常氏城南上坊廖功崇之妻俊名之母也功崇以贊府候
補楚北出差長沙病卒氏年二十九聞訃慟絕及甦見
姑哀甚乃携弱穉向姑慰藉之姑為之止慟自是淚濕
沾衣不敢失聲其孝能曲體如此今子貢成均孫輩林
立鄉里稱節孝之報道光三年題請

旌表建坊

况氏城南上坊儒童廖功璘之妻年十九歸功璘未週而
寡欲以身殉水漿不入口者數日遺腹生一女門閭不
踰鉛華不御以孝事其姑姑嘗嘆曰爾不幸無夫吾不
啻有子矣年四十四而卒道光三年題請

旌表建坊

熊氏北城碧落巷陳朝俊之妻年二十六夫以疾歿勵志
守貞辛勤三十載終事翁姑略無遺憾五十六歲而卒
程氏平湖儒童曾希賢之妻太學生愜之母也年二十一
愜生旬有三日而希賢卒老母雛孤婦兼子職母兼父
道數十年如一日姑每稱其孝慈貞淑人無間言嘉慶
庚辰請

旨建坊

鄧氏赤城陳紀週之妻年二十三生子五歲夫亡守節撫
孤事翁姑尤謹有諷其改適者作詩見志曰上有翁姑
下有孤翁姑誰事孤誰扶妾死不肯况肯嫁願完夫志
向泉下乾隆乙卯年六十四請

旨建坊子有慶職員孫業儒

吳氏南鄉石溪太學生鄒學禮之妻年二十五而寡矢死者數四念姑近六旬孤纔五月強起毀容苦績佐食姑與孤卒賴以全壽七十有二

黃氏南塘儒童何紹家之妻年十六歸何二十七夫歿無子念翁姑垂暮不敢死紡績勤勞奉養無缺以孝聞撫姪為嗣教養倍至守節二十九年艱苦備嘗冰霜競潔鄉黨稱賢

李氏三十三都洋源儒童曾唯之妻登仕佐郎李馨谷之女十九歸唯挑燈佐讀唯以屢試未售憤激成疾尋歿氏矢志守節事衰姑撫幼子備歷艱辛後子玉璽復早

卒媳吳氏能體姑志焚柴相依見者惻然道光四年邑令以雙節旌其閭

何氏南塘邑庠何圖之女龍口儒童楊瑞輯之妻年十八適楊越四載夫卒子一歿繼一子又歿氏悲極嘔血死而復甦親族婉諭復繼一孫督課勤學有成年七十嘉慶庚午奉

旨建坊 崇祀節孝

彭氏塘溪汪安顯之妻年十八歸汪半載夫亡欲以身殉爰幡然曰奉姑以代子職立子以繼夫後此吾事也遂忍死守節撫嗣子杰克振家聲嘉慶二十一年捐授州同加二級遵例

誥封宜人年五十而卒

李氏四都儒童鄧如輝之妻貢生傅英之母也子生數月夫卒以翁姑在堂弱穉在襁不克殉終日紡績供甘旨親族罕見其面嚴督子課以繼夫志年六十二奉

旨建坊 崇祀節孝

吳氏南溪甘露斯之妻年二十有四子生五月而夫歿矢志堅貞克全苦節撫育孤子訓迪有方事姑孝養無間子列成均孫曾玉立鄉里咸稱節孝之報

劉氏四十一都南浦儒童武廣提之妻太學生劉霖之女也年二十四夫歿矢志栢舟家貧紡績課讀二子俱克成立孫曾蔚起年六十一請

旨建坊 崇祀節孝

陳氏十一都山舍傅予佐之妻子生歲餘夫歿氏年二十六冰霜自凜事親撫孤數十餘載僉誦孝慈嘉慶丁卯年七十郭廣文題贈壽文丁丑年八十請

旨建坊 崇祀節孝

黃氏高明門內闔閭儒童周開蓬之妻年二十七蓬歿以姑在忍死奉養極得歡心姑病躬親湯藥日夜侍側不倦倦姑歿哀毀欲絕勤儉自持冬紡夏績垂四十年撫繼子慶元孫二俱課讀成人

傅氏邑庠生傅克家之妹貢生范敏求之妻年二十九夫歿事姑曲得歡心家頗豐處之如貧素凡女紅必身先

婢媪有告急者濟弗吝鄉里德焉勗子以繼父志屢試前茅咸以為有和丸畫荻之風

朱氏南山儒童何天爵之妻監生朱道光之長女年十七歸何生子巨鰲甫週歲翁及夫踰月相繼歿姑素善病氏以一身撻其難仰事俯育克盡孝慈白首完貞允孚輿論

蕭氏中書蕭德充之長女南山儒童何暄之妻也生子珙及頊年二十六而寡時頊甫踰月奉養翁姑務得歡心義方激勸至千垂涕鄉里賢之

吳氏井塘儒童辛鍾之妻生子學謨氏年二十有四夫歿矢志撫孤為娶母家生員吳庭芝女年十七于歸越六

載學又歿一門雙寡形影相弔鍾兄監生錦憫其無嗣以孫棟入繼於學黃學博文較區旌松栢同操

鄭氏年十三歸北城叢桂坊幸守仁越四載子甫生而夫歿慟絕復甦翁積貲頗裕覬覦者欲二其志至屢以利刃相逼乃仰天誓死取刀斫左肩血涔涔下慷慨盟心棄產不顧日事紡績孝養重闈祖母得痿痺疾手足不仁湯藥寢食侍之九年及亡典衣殮葬盡禮盡哀其繼姑亦抱疾三年而歿生事死葬悉如之事聞奉

旨旌表建坊現年八十有三子孫顯達咸稱報施不爽云

劉氏一都清湖太學生朱道輔之妻弼宗之母也年二十八而寡欲以身殉既而嘆曰堂上髮白如此偕亡非所

以慰夫子於地下也含淚忍痛日勤紡績奉養無違二
十年而卒今孫曹林立邑令給匾旌之

謝氏墉溪儒童汪肯堂之妻篝燈佐讀漏盡弗輟敬事舅
姑能得歡心歸甫年餘而寡慟幾絕顧老親在堂節哀
承養繼姪綉級為嗣延師教讀俾克成立今年踰六十
距夫亡已四十二年矣邑令給匾旌之

陳氏一都左橋人儒童劉觀盛之妻事姑以孝聞年二十
八夫卒以姑老子幼不敢死矢志守貞姑患中風疾氏
親湯藥焚香默禱請以身代姑逝殯葬盡禮今五十有
九子鳳章入邑庠諸孫玉立人以為節孝之報道光三
年題請

旌表建坊

鄒氏華塘田守學之妻年二十夫亡矢志守節孝事翁姑
里黨賢之今五十有三撫姪規璉為嗣教養備至子入
成均諸孫林立

童氏城南常家巷儒童常燦元之妻生一女夫歿時年二
十八哀毀骨立孀姑婉諭之因而嘆曰姑在婦何敢死
惟有仰承姑志而已繼猶子泰亨為嗣弱冠遊庠籍列
明經皆慈訓也以婦代子以母兼師能使其子克振家
聲咸謂一門雙節之報邑令旌之

况氏鄭洪考之妻年十九子生數月而夫歿家固貧事姑
以孝撫孤成立年七十而神明不衰邑令旌之

高安縣志 卷之十七
金氏三都菊坊朱鶴輔妻年二十二夫卒欲以身殉姑勸之勵志守節勤紡績以奉姑姑年七十餘病足數載每起居悉為扶持妯娌咸仰賴焉訓繼子弼朝成立現年七十有九邑令旌之

劉氏翰塘單昭璉之妻年二十歸單事翁姑以孝聞越數載夫歿子僅二歲氏矢志栢舟備嘗辛苦堅操四十餘載人無間言

劉氏珠湖邵庠生傅昆怡次子錫光之妻城上太學生劉天從之女也年二十八夫亡子甫二歲孀居二十餘年未嘗越閭事翁姑撫弱息孝慈並至人咸謂女中君子涂氏湧溪郡廩生熊椿妻也事舅姑至孝二十八歲夫歿

臨危時囑其教子讀書俾紹厥志氏涕泣任之子履甫四歲即出就傅督課甚嚴今補博士弟子員舉優行皆母訓也現年六十有三邑令匾額旌之

張氏太平門儒童金煥華之妻年十八歸金二十五生一女許配黃夫歿遺腹舉一男及期而殤撫姪為嗣又未冠而歿女適黃者亦亡焚獨無依清操愈勵苦節二十餘載里黨憐之道光元年奉

旨建坊 崇祀節孝

辛氏南塘郡庠生何大興之妻年二十二夫歿踰年姑歿又二年翁亦歿時諸季俱幼氏調辦喪葬悉合於禮性勤儉寒機達旦年四十一卒嗣子讀書有成人謂苦節

之報嘉慶十年奉

旨建坊 崇祀節孝

劉氏城南常家巷儒童常琇元妻也事翁姑以孝勤紡績挑燈佐讀夫以屢試前茅不售病歿氏年二十六守貞五十年撫兩孤並能成立今年七十有五諸孫蔚起邑令旌之

劉氏四都平湖曾安迪之妻生子邦維甫四歲夫歿于楚南紡績自給守志二十七年臨終謂子曰汝父客死不獲歸櫬心嘗恨之我死可鬻遺物歸父骨入先塋吾得見爾父地下矣邦維尋扶櫬歸葬邑令給匾旌之

劉氏四都翰塘胡誨義之妻子甫三歲而誨義歿氏年二十二痛哭幾絕孀姑藍氏泣語之曰我辛苦備嘗行將就木兒死幸有雛孤為胡氏延似續者責恭重汝死孤能獨存耶乃茹藥飲水孝慈並至今子其暉貢成均道光三年請

旨建坊 崇祀節孝

吳氏城南上坊李茂紬之妻年十八夫歿氏欲相從地下飲食不進者數日翁姑諭之曰汝遺娠在腹倘克紹宗支賢於死矣踰月果生男撫孤教讀孝事翁姑生養死葬無遺憾現年五十有五邑令給匾旌之

吳氏龍橋新居金繩閑之妻年二十三生子甫歲餘夫亡痛絕姑救之甦泣諭曰善撫孤善事我亦懿行也何必

死氏含涕承命孝慈並至紡績教讀子章英年入泮今
氏年逾七旬孫魯林立食報未艾

袁氏碧溪儒童劉盛美之妻年二十而寡栢舟矢志三十
年如一日事舅姑極孝事庶姑有加禮遺腹子名全珍
齒長於庶叔行幼即導之以禮使知敬讓及長行誼粹
然援例受職從母教也

袁氏碧溪儒童劉全信之妻年十七歸劉生一子甫數歲
而夫亡祖姑且七旬泣曰兒年穉孤苦如此去留惟汝
不汝強也氏跪而號曰兒所以不死者為劉氏一塊肉
與太姑耳不然且就死安忍有他志耶食貧茹藥克全
孝慈戚族賢之

張氏週嶺儒童高宗鳳之妻年十七歸高性閑靜奉姑甚
謹越八載夫歿次子甫四月忍死守節事親撫孤孝慈
兼盡今年近六旬後嗣森立天之所以報苦節也

鄒氏四十都官塘儒童熊心泰之妻年二十八夫歿子甫
五歲事姑撫孤曲盡孝慈後舉二孫長五歲次三歲媳
亡凡教養婚配諸事氏復任之艱苦一生心如鐵石現
年六十有六邑令給兩世慈恩額以旌之

劉氏年十七適菱塘儒童皮慰慰屢試前茅不青一衿鬱
鬱成疾以歿氏年十九誓欲身殉姑泣曰兒死賴有汝
汝死予何依氏悚然含淚而起事孀姑極誠繼猶子叔
和為子家貧勤紡績為課讀貲叔和補博士弟子員孫

家駒亦列邑庠邑令給匾同旌

劉氏年十八適菱塘儒童皮守性鷄鳴佐讀學業有成邑侯黃深契之屢拔冠軍守性慰之凡也伯仲均以未列豐序貴志而歿氏年二十有二哭絕者數次姑泣曰汝夫嘗以寡弟婦無子為憾汝子幼穉遺振在腹倘再索得男則妯娌各有一子同心撫育以冀其成所以慰汝夫者不較愈於死乎越數月生叔和為慰嗣督課之勤氏實與有力焉

劉氏菱塘儒童皮守紳之妻年二十有一夫歿有諷以改適者氏曰孀姑七旬離孤三尺若有異志何以見夫於地下矢死靡他年六十而歿

冷氏溪頭謝睦初之妻年二十八夫歿遺四孤日夜紡織為諸子婚配教讀之貲後俱成立家業漸豐長子列成均孫曾森立年八十四邑令旌曰節壽之門

聶氏花苑渡伍良英之妻良英佐父起家旋歿氏年二十有八門以内事無鉅細悉身任之茹苦如飴服勞不瘁翁姑稱其孝而賢人無間言子二長援例授職次貢成均邑令旌之

簡氏官泮儒童傅社宗之妻年十九歸傅恪盡婦道得翁姑懼七載夫歿以腹有遺孤泮忍苟活越月生男勤機課讀不少懈年五十九子媳俱亡懼絕夫祀繼從孫為後苦節彌貞卒年六十九邑令旌之

教氏大港周萬發之妻年十七歸周越十一年夫歿冰霜
自凜課子尤嚴賴以成立貢成均年六十戚族欽其懿
行額以栢舟永壽邑令旌之

盧氏雲堆傅丕各之妻年十八歸傅克盡婦職越十二年
夫歿孝敬事親義方訓子二子俱貢成均孫魯蔚起可
以告無媿矣

劉氏藍坊藍正興之妻夫歿氏年二十九矢志守節繼猶
子璿為嗣賴氏教養身列郡庠姑病侍湯藥十數載無
倦容鄉隣多樂道之六旬時邑侯邢匾旌柏節松齡現
年七十有五

陳氏城上李初慙之妻慙歿氏年二十五次子在襁褓翁
姑携抱二子號泣一庭氏見而嘆曰吾不能從夫于地
下矣遂以一身俯仰任之數十年如一日艱貞自矢人
無間言六十七歲而歿次子入成均孫曾林立邑令旌之
梁氏赤土陳上騫妻年未及笄歸陳歲餘舉一子而夫歿
遺腹又舉一子茹苦撫孤或難之遂截髮以明志道光
初年當事擬上聞以旌其節不果邑令旌之

張氏年十七適荷山儒童陳遠正遠正為侍御史擎亭公
裔孫家徒壁立歿時氏年二十有六遺三子有憐其貧
而勸之貳者峻拒之惟以撫孤事親為己任每乏食率
子陟荷山採薇蕨食之今氏年七十有三矣家日充裕
而儉約如故嘗命子修治橋路矜恤孤寡施予不倦聞

婦女有怨貧者脩引身歷之境以勗之其貞節勵俗巾
幘中足師範焉邑令旌之

彭氏錦水太學生彭泗之女適蕭坊郡庠生用行家貧以
紡績佐讀生子二次子甫數月用行以攻苦咯血亡氏
矢志撫孤俾皆成立次子薦馨補博士弟子員克繼父
志鄉隣交賢之

謝氏十八歲歸大港周長瑞七載夫歿子亦繼殤有欲奪
其志者割鼻自矢以猶子守義為嗣節操之烈當於古
中閨中求之耳

鄒氏前坊儒童冷超孝之妻年十八歸超得舅姑歡及兩
載生一子而夫亡忍死守節事親育子歷久彌堅厥後

子貢成均娶褚氏舉一孫亦年二十而寡褚體鄒志共
勵冰霜今鄒年五十有一孫名殿元恂謹讀書將以卜
雙節之報邑令旌其門

廖氏年十九適儒童楊懋賞賞以力學致疾歿氏年二十
有五撫猶子守志為嗣賞父官於黔為銅仁貳尹聞賞
歿致仕歸氏奉養尤謹族隣請於官而旌之

劉氏楓林李同柏之妻年二十五而夫歿衰姑在堂責無
旁貸義不得以死殉越三月遺腹生子保抱提攜備極
勞瘁孝慈兼盡人共稱之年七十有一孫曾繞膝稱家
瑞焉邑令旌之

趙氏年十三歸朝天坊楊守成少孤貧家政皆內助生子

二越數載夫亡丁零無依附教養之資固不出于女紅
現年五十有七清操勁節人無間言邑令旌之

楊氏西湖村葛象報之妻年十九歸葛伉儷兩載生一子
夫歿慟絕復甦者數矣姑抱遺孤慰之哀稍釋茹荼飲
藥備極辛勤歷三十寒暑姑病侍湯藥彌月不倦及逝
拚擋營葬無少缺禮年五十有五節孝之名里黨交推
胡氏七都征溪胡正紀之女年二十歸涿江黃培德賦性
貞靜事姑最孝越八載培德歿撫伯兄之子修紱為嗣
卒年八十七守節六十年足不出戶庭非至親罕覩其
面痛夫業儒未竟勵志以教子孫延名師制學田設家
塾今生花書室其遺命也孫曾登賢書者三在膠庠者

七督學使者王省崖贈以勁節蔭昆匾額將請

旨旌表以彰節孝後其媳陳氏亦壽八十七五世同堂建延
慶坊

涂氏黃絲塘羅克繩之妻年二十一生一子洪書甫三齡
而夫歿視殮畢撫棺欲殉妯娒咸曲諭之遂矢志課子
俾克成立嘉慶六年邑士議修考棚命子捐金分建一
所即今丙字棚也

胡氏衙門儒童周學汲之妻年二十歸周越五載生子世
恪甫半月夫歿氏痛哭不欲生翁姑諭之曰為夫殉節
易為夫存孤難汝盍為其難者迺矢志栢舟奉親教子
今年踰七十四世同堂鄉隣婆婦引以自勵邑令旌之

朱氏濠上儒童陳華婆之妻年二十歸陳生子甫十月夫
凶翁老多病以慟子加劇氏奉侍湯藥暗自飲泣不敢
有戚容翁每語人曰其節不可及也其孝尤不可及卒
年五十族黨罕識其面貞靜純淑人咸仰之子亦克家
熊氏中廟前陳正調之妻情性幽閒言笑不苟二十六歲
夫死勵志守節藉女紅為活計事翁姑益以孝著善理
家政訓諸孤有陶母之風現年七十有六神明不衰邑
令以貞壽如松旌之

謝氏下十二都穎江吳罔斐之妻年十七歸吳姑旋歿有
季甫四齡氏愛護周至踰於所生越十載而夫歿矢志
守節事衰翁倍極孝敬教二子成立僉謂婦兼子職母

全父道嫂備母恩氏其有焉年六旬時郡學博傅公峒

贈以松操鶴齡匾額

徐氏南城仁濟坊廩生徐尚禮之女霞溪儒童金殿之妻
也年十八歸金績燈佐讀相敬如賓不數年夫以勤學
致疾卒子生甫六日氏椎心泣血誓不欲生翁諭之曰
死節難立孤更難汝死如此呱呱者何乃屏棄鉛華不
出閨闈者二十餘年事親教子人咸稱之

胡氏霞溪金繩汪之妻年十九適金善事翁姑子二其恭
其寬未十年夫歿矢志撫孤力勤紡績親操井臼與其
子居積致富年七旬時邑宰陳公錫以筠節永芳匾額
今子孫登庠序膺仕籍者接踵而起壽八十有五

蕭氏十六都况正蒙之妻結褵四載正蒙歿時氏年二十
一遺腹生一子家極貧紡績自誓奉姑育子艱苦備嘗
享年七十有三五十餘年冰操勁節人無間言

伍氏年十六為三十都泰溪儒童楊文光之妾踰年舉一
子僅四齡而文光歿正室慮其年少不能守氏奮然曰
烈女不嫁二夫妾豈有以異乎遂冰操自勵事姑極孝
與正室力勤紡績教子讀書以繼夫志子昭創學幾有
成娶蕭氏舉孫二而昭創亦歿氏勸媳守節甘苦與共
現年九十有二二孫俱入成均邑令以篋室高風旌之
幸氏洪城太學生幸璠謨之女年十七適伍橋儒童何三
易為妻結褵數載生子女二人夫以屢試不售服賈於

蜀未三載客死氏聞訃號呼慘戚欲絕翁姑力勸止之
乃忍痛含辛勤紡績積緘繭奉親撫孤稱未亡人者三
十三年今六十有四子孫成行邑令旌之

王氏二十二都沙溪况大膠之妻年二十六膠歿長子甫
二歲次遺腹生家徒四壁氏茹荼飲蘖事姑得其歡心
教子均能成立守節四十四年卒年七十後嗣蕃昌

陳氏十九都梅湖彭必彥之妻年廿一生二子而彥歿臨
危時囑以一子必使讀書後以經營家務為貢成均感
然抱憾加意課孫今孫列郡庠成其志也現年七十有
六邑令旌之

賈氏五里諶守看之妻生子三氏二十六歲夫歿紡績辛

勤以長以教俾皆成立長子秀忠娶珠湖傅氏六載而秀忠歿傅年二十二號慟幾絕氏泣謂之曰吾上事孀姑身為娶婦今又見汝寡三世遘難命也汝盍效祖姑偕我而安乎於是姑媳同操三十餘年鄉里嘆其一門競節傳無子以猶子子之

謝氏畬山賈榮京之妻年二十五而寡家貧子幼姑嘗病朝夕侍奉無倦容姑歿手續躬薪嚴以課子謂承夫後者惟此耳倘無成何以見先人于地下今子克樹立族隣咸稱道之

黃氏畬山賈世平之妻年十八于歸二十六夫卒白髮黃口嗷嗷待哺氏仰事俯育備極艱辛越數歲姑歿子亦死氏呼號曰天降予罰不予矜予先人其無後乎繼從子為嗣清操二十餘年族隣嘆為苦節

陳氏畬山儒童賈世紹之妻年十七歸賈越一紀夫歿無子矢志守節孝事舅姑鄉黨稱之

湛氏傅代德之妻年十五歸傅二十八而夫歿義方訓子俾克成立現年七十有三守節四十餘年鄉里賢之邑令旌之

陳氏曉岡儒童龔大邦之妻年十八夫歿生一子甫週晬家貧勵志守貞事姑極孝撫育孤兒俾克成立舉二孫子又歿教養婚配氏復任之現年七十有三邑令旌之傅氏五里湛意忠之妻年十六適湛二十五夫歿僅生一

子家貧日勤紡績年三十七子亦歿清操愈勵撫姪厚
瓊為嗣現年八十有三邑令給匾旌之

李氏南城連通坊武生王兆麟之妻生員李一元之女年
二十八夫歿家貧氏矢清操勤紡績事翁姑盡禮撫子
克底於成

吳氏四都璵溪儒童程鳳翥之妻年二十歸程數月夫歿
矢以身殉翁姑止之曰勿爾俟妯娌中有多子者撫其
一以繼夫後賢於死矣氏承命勵志守節越歲以兄子
步青為子延師督課未弱冠補博士弟子員節孝之報
未有艾也

胡氏稠溪儒童鄒國璞之妻舉人守約之女山東陽信令
諮聖之胞妹也年二十守節奉姑極孝延師課讀子泰
來列郡庠試輒高等孫亦積學有成現年八十有四目
久盲復明邑令以節孝通神旌之

伍氏南城錦水彭振倫之妻年十九于歸生子二夫病甚
料量藥餌者經年及卒氏竟投繯翁姑救之謂氏曰爾
甘殉夫亦何憾其如此呱呱者何遂忍痛撫孤皆得成
立鄉隣交稱之

朱氏朔溪陳文搜之妻易坊朱相烟之女也年十九歸陳
有順德越九年夫歿腹有遺孤踰月舉一子撫育教讀
之資皆藉十指現年六十有三苦節已三十五年矣邑
令旌之

徐氏筠南連通坊趙惟楨之妻仁濟坊歲貢徐錦堂之次女也年二十九夫歿家貧雛孤在襁翁姑衰病論者難之氏艱苦備嘗三十九年如一日今子貢成鈞家聲漸起母德也

蕭氏龍山儒童吳居晁之妻義夫吳啮鳳之子婦也于歸七年生二子長四歲幼甫六日氏年二十有六夫亡幾不欲生翁及妯娌以大義諭之未幾長子又殤氏思翁年已衰養殮莫給兒在襁褓乳哺誰供遂不死躬親薪汲謀菽水以承歡者歷三十八年今六十有四子方踰壯孫亦就傅知天之默相之矣邑令旌之

胡氏赤土陳聞會之妻年二十夫亡無子以翁姑在堂勵

志苦守孝養備至勤儉畢生里黨重其勁節

鞠氏赤土陳北鱗之妻年二十七夫死長子二齡幼子甫生氏矢志不二事翁姑以孝聞卒年七十有一寡媳夏氏年十八而寡善繼姑志清潔不渝蓋家範然也今次子貢成均孫曾蕃衍天之報施雙節云

萬氏赤土庠生陳毓英之妻年二十五英死家貧苦節孝養翁姑卒撫四雛成立蜚聲蠻序者二年屆八秩時賀藹田觀察守南昌郡以節並冰霜額旌之

章氏昴溪儒童鄔兆淇之妻生子二夫歿氏矢志守節家素封處之淡如事翁姑克盡孝道教子以義方均克成立

陳氏四川射洪縣廩生陳仕能之女年十五適嶺下鄧萬
車二十八夫歿矢志栢舟日夜勤苦內外兼營延師訓
子督課綦嚴孀居二十餘載現年五十六邑令旌之
鄭氏彭志理之妻年二十九夫歿事姑育子孝慈並至現
年六十五歲以子援例授職

貶贈孺人

王氏四十五都一畝三湖湖邊張廷獻之妻年十八于歸
拚擋內政有條不紊越六年夫亡子甫週碎零丁孤苦
撫以成立事孀姑以孝聞堅節已四十餘年邑令旌之
金氏赤土儒童陳夢鰲之妻二十四歲夫亡無子氏慮謀
遺產者爭繼爰按周親次序擇賢能者三人承其後分

授家貲延師課讀三子均列庠序其邁姑每謂人曰微
吾媳卓識吾安得繞膝含飴之樂耶道光二年

旌表建坊

吳氏赤土儒童陳顯謨之妻年十八歸陳結褵甫二月夫
即世繼猶子以續夫嗣督課甚嚴能以母道兼父道巾
幘丈夫也

胡氏三十都東林朱良正之妻年二十四夫亡僅遺二女
繼猶子為嗣教育備至現年六十有八子列黌宮邑令
旌之

蕭氏郡庠生壯行之女蔡溪胡乘龍妻也生女甫週碎夫
亡氏年二十七紡績撫孤女後適孝廉童星耀繼二子

恩如已出孀居四十七載冰雪不逾里人恒舉東野烈女操以相况

劉氏一都清湖職員朱鈞妻也生二女年二十八夫歿幾絕水漿不入口者數日以翁姑老兩夫兄遠宦侍奉無人不克殉代子職供甘旨以伯之子承嗣迄今三十餘載茶蘖冰霜稱節孝之最

涂氏蛟溪儒童喻上熠之妻年十九而夫亡七十九而未亡始亡六十年言笑不苟冰操凜然繼嗣成立孫枝蕃衍蓋其閭範高風食報未艾也

胡氏四十二都務農鄉瑤溪未繼周之妻幼有慧質內則女誠諸書皆能通曉及于歸事翁姑以孝聞生一子夫歿氏年二十四脫簪珥勤紡織冰操自矢數十年如一日年五十六而卒

蔡氏三十三都清平朱道輝之妻十八歲于歸甫半載而夫歿哀慟屢絕姑勸慰之守節事姑克盡孝道撫猶子為嗣教養婚配俾克成立孀居三十七載現年五十有六邑令以額旌之

張氏三十都下觀太學生童暄祖之妾年二十歸童越四歲舉一子夫歿冰霜自凜仰事俯育孝慈兼盡紡績之勤數十載如一日子遠清援例授職孫二俱貢成均今曾元玉立卒時年六十有四

熊氏三十九都上塘胡如江之妻年二十六夫亡無子誓

不獨生舅姑委曲開諭忍死以代子職孀居三十餘年
心堅金石志凜冰霜族隣至今稱之繼伯兄次子濟源
為嗣援例授職孫入泮宮

張氏沙溪陳州閩之妻年十七適陳事翁姑能得歡心夫
亡子甫數齡紡織撫孤訓以義方不少姑息俾克成立
里黨賢之

胡氏城北碧落山候選叅軍彭大健之妻也年十六歸彭
姑邁而瞽朝夕侍奉無少倦數年夫歿慟幾絕以姑與
兩孤故忍死守節勤勞課子俱貢成均諸孫玉立現年
八十有六邑令以節壽延禧旌之

唐氏雷峰太學生姚席珍之妻珍兄希元早逝嫂氏陳青
年守志有嗤其愚者氏艱然曰此等境地各有性情非
關愚智如必以守節者為愚豈失節之婦皆智耶况守
節有許多大事正惟大智若愚者克任之亦有愚極智
生所謂愚不可及失節者貪目前之歡娛敗一生之名
節守節者以數十年之艱苦為千古之完人孰愚孰智
當於此辨之耳未幾珍歿子二俱幼氏年二十餘與陳
兩婦一心孤鸞寡鵠相對恬然孝養衰翁義方訓子無
不倍至氏羸瘦多疾嘗辛勤達旦不憚勞瘁以此克家
子俱成立年五十有七邑令旌之

劉氏一都櫟里村艾以縣之妻年十八于歸越三載夫歿
氏忍死守志奉養翁姑僉稱其節孝俱盡現年七十八

歲

朱氏兄為郡庠生朱藹緒與儒童劉三益交遊以氏妻之至二十八歲三益病彌留累月服侍湯藥晝夜不倦及卒勵志守節躬親井臼繼猶子輝祖為嗣教讀有成現年五十九歲

謝氏花苑熊培因之妻田西謝忠殷之女也年十七歸熊九載以力學致疾卒氏遵姑諭忍死撫孤仰事俯育孝慈兼盡孀居三十餘年族黨欽重之

劉氏前港儒童謝世杞之妻年十八歸謝越六載而夫歿氏矢志守貞撫孤成立舉一孫子亦旋歿姑媳孀居水操輝映課孫有畫荻之風年週六旬學博博公峒贈以

貞德引年匾額現年六十有六孫曾林立

席氏年十九歸三都瑪瑙儒童張速喜越八載夫歿守節事親克盡孝道子積學能文屢試冠軍賢母督課之力也現年五十有五邑令旌之

吳氏適岡上廩膳生袁宗聖之子虞淮為妻年二十六夫亾子舜甲甫二週家貧親老奉養無缺撫孤克成現年八十有一邑令以筠節松年贈之

何氏龍山儒童吳嘉賓妻也性貞靜年二十歸吳嚴內外寡言笑翁姑善之逾年夫病不起時翁服賈於外忍死奉姑翁以如續計外娶生子女挈之歸氏一身周旋其間能各盡其道今繼叔子為嗣鄉人多稱誦焉

朱氏龍山吳虬龍之妻年十八于歸篝燈佐讀相詠宜家
夫以勤學致病不起越兩月遺腹生一子名餘慶入成
均雲初繁衍氏守貞四十餘年奉親撫孤親族罕見其
面年六十有五而卒

廖氏奉新沙洲廖映斗之女年十七適龍山儒童吳兆鰲
生子潢甫一歲而鰲歿氏釋釵澤安綦縞誓志撫孤鰲
曾以仲子為伯父嗣氏事兩處舅姑俱能得其歡心每
以夜績督課子弱冠遊泮現年六十有二邑令旌之

鄧氏濠溪儒童黃文炳之妻年十四歸黃所生子女俱殤
二十三歲而寡有以改適勸者氏曰翁姑在誰與奉養
勵志守節生養葬祭無稍遺憾繼從子良瑞為嗣現年

六十邑令旌之

謝氏南城儒榮坊晏詒輝之妻年十七歸晏生子女尚幼
夫以病卒氏絕食數日因姑邁諸孤待哺忍痛守志竭
仰事俯育之誠子又不幸立伯子普集為嗣

劉氏十七歲適南鄉山畬傅子恩生子言慶甫二齡夫病
逝氏呼搶欲絕姑以仰事俯育勉之氏清操自勵克盡
孝慈鄉隣稱之

朱氏飛仙橋儒童姚鳴鳳之妻十九適姚生子廷棟甫一
歲夫歿氏奉親撫孤克盡孝慈廷棟未冠復歿遺女孫
二人姑媳雙寡相依為命今年五十有六守節三十二
年聞者憐之族議以猶子為嗣邑令旌之

冷氏二十九都鈞溪朱祖煥之妻年十八歸朱二十二歲
祖煥辭世氏以死自誓噎不容粒者數日其父母勸之
曰汝徒死而夫無後曷若立繼以延嗣乎于是撫猶子
殷勤教讀事翁姑備極孝敬苦節三十餘年人皆賢之
姚氏堰溪黃公塘梅文衡之妻邑庠生姚介之女文衡早
逝氏矢志撫孤事翁姑克盡孝敬撫諸姪若已出日夜
紡績至老不倦延師課讀有賢母風現年八十六歲五
世一堂子孫林列學宮邑令以節壽永昌旌之
漆氏四都庫南左觀光之妻生子女三人年未三十而寡
氏潔滄漚勤訓課婦兼子職母兼師道長子能修家政
幼子克紹書香其食報未艾也

龔氏官庄太學生陳紀綱之妻年二十九夫亡事翁姑撫
二孤克孝克慈現年六十四歲一堂四世邑令旌之
吳氏四都庫南左禮畝妻也年十八于歸廿七而寡牽蘿
補屋十指忘勞畫荻訓孤一身况瘁數十年如一日今
四代一堂閨婺多艷羨之邑令旌其閭
袁氏二十六都洲峰陳世元之妻年十七歸陳二十五歲
夫歿克勤克儉惟孝惟慈現年五十五歲子二予情予
性均能成立邑令旌之

鄒氏年十八歸李口丁良光姑早歿翁垂暮越歲生一子
丁卒矢志守貞而父母不諒氏曰未亡人所以不死者
欲為死者金子道延後嗣也况身不足憐乞憐此心耳

子長娶唐氏連舉四孫子又喪姑媳相依為命午夜機聲與讀書聲相間孫曾秀發採芹折桂者踵起鄒年八十有六唐六十有七俱及見其盛焉

熊氏九旭塘傅世爵之妻十八歲歸傅生子永順甫二齡夫亡氏年二十六矢志守節事親無憾撫孤有成現年六十孫枝蕃盛

胡氏寓子里陳裔德之妻生子未週晬夫歿氏年廿五雖家計貧窘而矢志靡他敬奉翁姑撫育孤子克盡婦道鄉里賢之現年六十一

吳氏年十九適鰲坊鄭日緩二十五歲夫歿撫伯兄太學生日升之子為嗣與曾祖母熊祖母黃四世三孀熊守

節五十餘年黃守節四十八年今氏已守節三十六年變故愈極節操愈堅嗣子運光貢成均邑令旌之

冷氏良溪候選州同朱和臣之妻上高監生冷文汪之女年十六歸朱二十六歲夫歿氏守節四十餘年撫猶子為嗣其夫弟輔臣任黎平府參軍哀氏苦節

馳封八品孺人以慰之

艾氏硃砂高元國之妻年十五于歸內政摒擋有條不紊越六載生二女而夫亡以翁姑垂白無依不忍偕亡家故貧紡績供甘旨現年五十七歲邑令旌之

劉氏十一都鈿溪張膺全之妻幼嫻姆訓年十七歸張生三子年二十九夫歿日勤紡績以撫遺孤有和丸畫荻

之風孫曾繼起皆淑德所致也

盧氏二十七都橫溪劉祿念之妻十九歸劉生二子夫歿
孝事翁姑勤操井臼遺孤婚讀俱以十指維持守節三
十八載年六十有六而終長列成均次亦佳士

盧氏二十五都王均橋袁清論之妻年十九歸袁越五年
生子女各一夫歿以翁姑衰邁子女孤幼忍死守節備
極孝慈稱未亾人者三十一年

劉氏年十六于歸一都櫟里艾滔為妻六載生一子滔亾
栢舟自矢孝養翁姑撫孤成立現年五十八守節已三
十七載矣邑令旌之

冷氏瑪瑙儒童張必匡之妻年十七歸張越八年必匡染
沉痾不起氏事姑教子名隸成均不墜世業守禮法嚴
內外心逾苦而節逾堅卒年六十有四三子五孫曾元

繁衍

冷氏瑪瑙儒童張允煥之妻年十五歸張克盡婦道未幾
夫歿氏栢舟自矢足跡不出戶庭戚黨罕見其面撫嗣
子觀世以養以教俾克成立貢成均嘉慶十三年請

旨建坊享年六十有三

吳氏太學生張觀世之妻生一子年二十六夫歿清操自
勵孀姑之存養死葬孤兒之飲食教誨無不稱其孝慈
兩世堅貞後先濟美

鄧氏路口儒童袁時舉之妻年十五歸袁生三子而夫歿

氏時二十六歲矢志不二奉翁姑撫幼穉孝慈兼至孀居四十八載年七十有二子孫繁盛

朱氏洪城幸朝壽之妻太學生朱曇輝之女也年十七歸幸二十四夫婦俱病氏以不能侍藥日夜憂慮願身死而夫存夫歿氏死而復甦勤紡績以供舅姑甘旨艱苦備嘗痛無嗣子恬淡貞靜懿德可風鄉黨稱女中君子焉

袁氏貼市堆郡庠生姚五彪之妻年十九于歸二十五歲夫歿子僅四齡忍死守節事姑孝敬備至姑卧病侍湯藥不脫衣帶者數年耐貧教子庠序蜚聲孫枝玉立姚氏艮山儒童熊占元之妻祖姑病累延醫不起其姑黃

氏齋戒禱祝願割股調藥氏聞祝不忍姑痛楚自割以進病立愈學博王士倬廉得實牒邑侯旌之

雷氏五里諶守儀之妻十五歲適諶生子四齡夫歿氏年十九撫孤成立守志二十八年人稱完節

趙氏三坑儒童張文孫之妻十七歲歸張踰年夫歿越月生遺腹子維屏氏冰霜自勵養姑撫孤皆藉其紡織也卒年五十有四子貢成均孫曾多列膠庠書香不絕節母之遺蔭也

鄧氏塘東陸運補之妻年二十八夫歿無所出夫弟幼而孤佐姑撫育脩極辛勤積餘貲為之婚娶以延宗祀道光四年二月氏歿夫弟哭之慟曰吾嫂亦吾母也披麻

服送葬人不能以非禮貴之

漆氏湘溪太學生姚百淪之妻年十九歸姚未逾年夫以
苦讀咯血成癆侍疾三年竟不起一女未周晬亦殤氏
呼天搶地幾瀕於死毀瘠卧床屢欲身殉家人防衛甚
嚴數月以病歿

生齒數千此其為水露甘願者故其言辭其意誠動
賦為三賦謝靈運文辭之美十之六篇而辭章未始
十之六篇而辭章未始
曾以五里挑寄謝之美十之六篇而辭章未始
題海生遺集謝王士禛所撰謝靈運之辭章未始